





春秋列國山川表卷八之下

錫山

顧棟高復初  
清河受業吳華燭儀可

衛

山險

水道

河閔二年狄滅衛朱桓公逆諸河胄濟

案左傳衛地無山僖十四年沙

鹿崩杜註沙鹿山名平陽元城

衛都朝歌在今衛輝府淇縣在

縣東有沙鹿土山此時當屬衛

河北僖二年遷楚正為今衛輝

晉惠公時封域安得到此卜偃

府滑縣僖三十一年遷帝正為

之言乃因明年韓原之敗適與

今北直大名府開州俱在河之

之會而附會之耳穀梁亦以為

南

春秋大事表

卷八下 山川 衛

陝西求交齋

濟水定八年齊與衛地自濟以西

晉山此因後日之晉而追言之

非實錄也公羊以為為天下記

毛詩鄭箋云衛自河以東夾于

異者得之

濟水孔穎達云濟自河北而南

入于河又出而東楚正在其間

西有河東有濟故曰夾于濟水

齊所與衛地蓋齊衛分境之濟

也又濟水亦謂之清水隱四年

公及宋公遇于清杜註清衛邑

濟北清河縣有清亭水經注濟

水自魚山而北逕清亭東京相

璠曰濟水通得清之目清亭在





今山東東阿縣東北四十里

濮水 定八年齊侯鄭伯盟于曲濮

濮渠首受濟水東流至祭城分

為二瀆北濮出焉又東逕須城

北詩云思須與漕者也又北迤

邐而東入乘氏縣由鉅野以入

濟曲濮為濮水曲折處在今山

東曹州府濮州境

洹水 成十七年聲伯夢涉洹杜註洹水出汲郡林慮縣東北至魏郡長樂縣入清水

洹水在今彰德府治安陽縣北

四里亦名安陽河源出林縣西

春秋大事表

卷八下

山川 衛

二 陝西北交齋

北林慮山中東流入內黃縣界

入于衛河

彭水 昭二十年公與北宮喜盟于彭水之上

詩清人在彭孔疏彭河上邑水

經注清地水逕清陽亭南即故

清人城也

澶淵 襄二十年盟于澶淵杜註在頓丘縣南今名繁汙此衛地又近戚田

水經注曰浮水故瀆上承大河

于頓丘縣而北出東逕繁陽故

城南故應劭曰縣在繁水之陽

張晏曰縣有繁淵春秋襄公二



春秋大事表

卷入下

山川

衛

三

陝西求友齋

十年公會晉侯齊侯盟于澶淵  
 杜預曰在頓工縣南今名繁淵  
 澶淵卽繁淵也亦謂之浮水焉  
 彙纂云繁陽故城在內黃縣東  
 北二十七里古頓工約略在濬  
 縣之南漢元光三年河水徙頓  
 工東南流旣而決瓠子今瓠子  
 故城在開州西南二十五里則  
 澶淵之地當在內黃之南開州  
 之西北也

案水經注發明杜氏之說最有

根據而後漢書地理志乃云杼  
 秋故屬梁國有澶淵聚左傳襄  
 二十年盟于澶淵南畿志云杼  
 秋故城在今蕭縣西七十里案  
 江南徐州府蕭縣去直隸大名  
 府開州千有餘里後漢志誤也  
 阿澤襄十四年孫氏追敗公徙于阿澤杜註  
 濟北東阿縣西南有大澤

阿澤在今山東泰安府東阿縣

東北六十里有七級上下二閘

爲今運河所經古阿澤是其處

南河

傳二十八年晉侯伐曹自南河濟杜註  
 曹在衛東從汲縣南渡出衛南而東



黃河故道自新鄉東流徑衛輝

府汲縣南七里謂之棘津亦曰

南河係衛地昭十七年晉伐陸

渾亦于此渡蓋此時汲縣已屬

晉矣又東二十里為延津即廩

延之津係鄭地今為縣乃此津

之下流

榮澤

閔二年狄伐衛戰于榮澤杜註此榮澤當在河北

杜註以別于鄭州之榮澤也鄭

州之榮澤係鄭地正義曰禹貢

導沈水入于河溢為榮是榮在

四 陝西求安齋

春秋大事表

卷八下

山川 衛

河南此時衛都河北為狄敗乃

東徙渡河故知此榮澤當在河

北但沈水入河乃洸被河南多

故專得榮名其北雖少亦稱榮

也

水道

濟水

傳三十一年分曹地自洸以南東傳于濟杜註濟水自滎陽東過魯之西

禹貢濟水東出于陶丘北鄭氏

曰曹在濟陰定陶是在濟水之

南其地夾于魯衛之間曹在衛

山險

曹南山

傳十九年宋人曹人邾人盟于曹南

詩曹風薈兮蔚兮南山朝濟毛

傳云南山曹南山也今曹縣南

入十里有曹南山范氏謂曹之

曹



南鄙是也杜註孔疏以曾于曹南謂在曹之都者非是

東魯更在曹東故在曹則曰東

傳于濟而杜註則曰濟水過魯之西也曹魯分境之濟在鉅野壽良須昌之閒鉅野縣今分屬曹州府壽良即今兗州府壽張

縣須昌在今泰安府東平州今曹州府治即古曹國與魯之東

鄆鉅野相接所爭濟西田蓋在此

邾

山險

水道

春秋大事表

卷八下

山川

曹邾

五

陝西求友齋

繹山

文十三年邾文公下遷于繹杜註魯國邾縣北有繹山

澗水

哀二年取澗東田及沂西田

一名嶧山在今兗州府鄒縣東

南二十五里郭璞曰嶧山純石

積構連屬如繹絲然故名水經

注嶧山東西二十里

魯地

沂水

見上

此小沂水也出太公武陽之冠

石山今兗州府費縣為邾之沂

此沂西田是也出曲阜縣尼丘

山西北徑魯之雩門者為魯城



南之沂曾點浴沂昭二十五年  
季孫請待于沂上以察罪是也  
出沂州府沂水縣西北一百七  
十里者爲齊之沂襄十八年晉  
師東侵及濰南及沂是也互見  
齊地禹貢淮沂其又係沂水縣  
之沂與邾魯之沂自別

宋

山險

案宋都商工係河南之歸德府

合境無山宋又兼有彭城彭城

春秋大事表

卷八下

山川

宋

六

陝西求友齋

爲今徐州府之銅山縣現今有  
山而不見于左傳故宋之山險

無可考

宋楚戰處鄆城在今河南歸德  
府柘城縣北三十里

孟諸

僖二十八年楚子玉爲瓊弁玉纓薳河  
神謂己曰畀余余賜女孟諸之麋杜註  
孟諸宋藪澤水草之交曰麋

今歸德府治東北有孟諸澤接  
虞城縣界周禮謂之望諸爾雅  
十藪宋有望諸是也又虞城縣  
北有孟諸臺俗謂之湄臺卽杜  
預所謂水草之交曰麋矣

楚

山險

水道



荆山昭四年傳荆山中南九州之險杜註荆山在新城沂鄉縣南

荆山在今湖廣襄陽府南漳縣

西少北八十里昭十三年楚遷

許胡沈道房申于荆杜註荆荆

山是荆山之為地廣矣子革曰

昔我先君熊繹辟在荆山則以

地近西境為言耳

塗山昭四年穆有塗山之會杜註塗山在壽春東北

塗山在江南鳳陽府懷遠縣東

南八里水經注荆塗二山本相

連為一脈禹以桐柏之流泛濫

春秋大事表 卷八下 山川 楚

為害乃鑿山為二以通之兩山

間有斷接谷

大別定四年楚師濟漢而陳自小別至于大別

大別山在今湖廣漢陽府漢陽

縣東北半里漢江西岸江水逕

其南漢水從西北來會之山之

左即沔口地說曰漢水東行觸

大別之陂南與江合是已亦名

魯山以山有魯肅祠因名

小別見上

小別山在今漢陽府漢川縣南

大江宣士一年鄭行成于楚曰其俘諸江南以質海濱亦惟命

江水自四川夔州府巫山縣流

入楚境經湖廣宜昌府巴東縣

及歸州之北為楚始封之丹陽

又東歷夷陵州荊州府岳州府

又北至漢陽府城東武昌府城

西而會于漢水復北折而東歷

武昌府北又東歷黃州府南又

東南歷廣濟縣黃梅縣之南而

東入江南安慶府宿松縣界江

之南岸即江西九江府德化縣

陝西求交際

界矣迂迴千八百餘里皆當時

楚境也初都丹陽在枝江居江

南後徙郢都在荊州府居江北

別都鄂即武昌府亦在江之南

自荊州以南皆楚所謂江南也

楚遷權于那處遷六小國于荆

山在江北遷羅于枝江遷許于

華容在江南鄭蓋欲自比此屬

耳春秋時未知有南海屬完之

對齊桓公蓋漫為侈大之辭實

非楚境也鄭請實海濱亦自貶



十里山形如甌亦名甌山漢川

在漢陽之西北百七十里則小

別當在大別之西孔穎達謂在

大別之東謂楚師退而至大別

自東漸西者非是另有論

方城

僖四年屈完曰楚國方城以為城杜註方城山在南陽葉縣南

方城山名在今河南南陽府裕

州東北四十里葉縣正在州北

楚人因山為固築連城東向以

拒中國則屈完所謂方城以為

城也今自葉縣之方城山至唐

春秋大事表

卷八下

山川 楚

縣連接數百里一曰長城山即

古方城舊蹟

少習

哀四年將通于少習以聽命杜註少習商縣武關也

少習山名在今陝西西安府商

州東

州今陝直隸

武關在少習山下故

亦名少習京相璠曰武關楚通

上雒阨道也春秋時蓋嘗為晉

有以其近陰地穆公之世秦伐

都與楚爭商密商密近武關地

至是云將通于少習而杜釋之

如此是楚已得武關矣今由河

損以悅之耳

漢水

莊四年莫敖以王命入盟隨侯且請為會于漢水而遷濟漢而後發喪杜註泗內也謂漢西

漢水自襄陽府城北折而東南

經宜城縣之東又經安陸府城

之西荆門州之東復東南出經

潛江縣北及景陵縣西又東歷

沔陽州北及漢川縣南至漢陽

府城東北大別山下會于大江

此漢水乃襄陽以南至安陸之

漢水也自襄陽至安陸府七百

八

陝西求友齋

里自安陸至沔陽州七百里安

陸為楚之郊郢是時王卒于櫛

木之下在安陸府治東一里莫

敖懼隨人邀襲故以王命請隨

侯為會于此示以整暇待隨侯

濟漢歸國而後發王喪也此時

楚尚未能有漢隨在漢東楚在

漢西故杜註漢水為漢西

淮水

桓八年楚武王侵隨軍于漢淮之阻

淮源出桐柏山在今河南南陽

府桐柏縣東一里東南接湖廣



南之南陽湖廣之襄鄖入長安者必道武關自武關至長安四百九十里多從山中行至藍田始出險賊平蓋自古爲險阨矣

襄四年左師軍于苑和杜註苑和山在上雅東

苑和山名今陝西商州東有苑

和山通襄漢往來之道

析隈

舊二十五年秦晉伐鄆秦人過析隈入而係與人以圍商密杜註析今南鄉析縣

析隈山名在今河南南陽府鄧

州南七十里俗訛爲廝隈山

春秋大事表

卷八下 山川 楚

汾陘之塞

戰國策蘇秦曰楚北有汾陘之塞鮑彪註曰陘召陵陘亭汾在襄城

陘

舊四年齊伐楚次于陘杜註楚地潁川召陵縣南有陘亭

陘山在今河南許州府鄆城縣

南又新鄭亦有陘山在縣南三

十里蓋陘塞縣巨甚遠蘇秦說

楚曰北有汾陘說韓曰南有陘

山蓋二國皆恃此爲險在楚爲

北塞在韓則爲南塞也徐廣曰

陘山絕之名

汾

襄十八年楚子庚治兵于汾杜註襄城東北有汾止城

德安府隨州隨州卽春秋時隨

國正當漢之東淮之南故曰軍

于漢淮之間是時南陽之境猶

未爲楚有逮後文王縣申息封

畛于汝則淮爲楚境內之水矣

彙纂曰楚軍于漢淮之間當在

今德安府應山縣境

汝水

成十六年楚以汝陰之田求成于鄭杜註汝水之南近鄭地

汝水出河南汝州魯山縣東北

經伊陽至汝州南又東南經寶

郊南入南陽府之裕州歷許州

九

陝西求友齋

府之襄城鄆城南至汝寧府西

平境又東南流至潁州南而入

于淮其自南陽以下皆楚境也

楚文王封畛于汝蓋楚地止于

汝水之南其在汝州郊縣及裕

州葉縣開者汝陰田也

潁水

昭十二年楚子筮于州來次于潁尾杜註潁水之尾在下蔡西

潁水出陽城山東至下蔡入淮

在今江南潁州府潁上縣與鳳

陽府壽州接壤潁水入淮處在

壽州西北四十里所謂潁尾也



汾正在今河南許州府襄城縣

東北史記秦昭王四十三年攻

韓汾陘拔之蓋與新鄭陘山俱

為南北隘道

阜山 文十六年戎伐楚西南至于阜山

阜山在今湖廣鄖陽府房縣南

五十里

萊山 昭五年沈尹赤會楚子于萊山

今河南光州光山縣南百五十

里有天臺山或云即萊山

抵箕之山 昭五年楚子觀兵于抵箕之山

春秋大事表 卷八下 山川 楚

今江南廬州府巢縣南二十七

里有踟躕山輿地志以為即坻

箕山

楠木山 莊四年楚武王卒于楠木之下

今湖廣安陸府治東一里有楠

木山上有青泥池一名青泥山

三國志魏樂進與關羽相拒于

青泥山祝穆曰即楠木山也亦

名武陵以楚武王卒于此而得

名

亦謂之潁口荀子曰楚汝潁以

為險

澆水 莊四年除道梁澆軍臨于隨杜註澆水在義陽厥縣西梁橋也

澆水在今隨州北八十五里周

禮職方豫州其浸波澆是時王

薨于行若歸國則虛實立見若

進兵臨漢復恐隨人阻漢而守

故用奇兵別開新道橋澆水出

不意而直壓隨都隨既懼而行

成計從漢還又恐隨人乘半渡

而邀擊復以王命請隨侯為會

十 陝西求友齋

于漢納而我乃還國蓋欲隨人

以好會之禮送楚師至漢水之

西隨既會訖濟漢東還而後發

王喪始由奇道從澆東渡繼由

正道從漢西歸也

彭水 桓十二年楚伐絞楚師分涉于彭釋例彭水至南鄉宛陽縣入漢

彭水在今湖廣鄖陽府房縣西

南流入穀城縣界

涌水 莊十八年閻敖游涌而過杜註涌水在南鄉華容縣

涌水在今湖廣荊州府監利縣

東南乃夏水支流水經注江水



當華容縣東南涌水出焉涌水

自夏水南通于江謂之涌口閘

敖游涌而逸于二水之間者也

鄂水桓十三年及鄂亂大以濟杜註鄂水在襄陽宜城縣入漢

鄂水在今湖廣襄陽府宜城縣

南

滑水宣八年楚伐舒蓼滅之楚子疆之及滑

滑水滑當為今江南廬州府東境

雲中定四年楚子濟江入于雲中

雲中宣四年妘夫人使葉諸夢中

周禮職方荊州藪曰雲夢今湖

春秋大事表

卷八下 山川 楚

十一 陝西求齋

廣德安府雲夢縣南一里有雲

夢橋今澤已湮昔時方八九百

里雲澤跨江之南夢澤跨江之

北今荊州府之監利石首枝江

三縣安陸府之荊門州沔陽州

黃州府之蘄州及黃岡麻城二

縣德安府之安陸縣俱有雲夢

之稱蓋跨川亘隰兼包勢廣矣

睢水定四年楚子涉睢杜註睢水出新城昌魏縣東至枝江縣入江是楚王西

走處

睢水入江處在今荊州府枝江



縣當郢都之西楚王避吳西走處也唯一作沮

漳水宣四年子越師于漳漳杜註漳水出新城汭鄉縣南至當陽縣入沮

漳水在今湖廣安陸府當陽縣

北四十里自南漳流入城至縣

東南五十里與沮水合名合溶

渡

湛水襄十六年晉楚戰于湛阪楚師敗績晉師遂侵方城之外杜註昆陽縣北有湛水東入汝

水東入汝

湛水在今河南南陽府葉縣北

三十里縣北二十里有昆陽城

陝西求交齋

春秋大事表

卷八下 山川 楚

周禮荊州其浸潁湛水經注湛

水出犇縣北魚齒山東南流為

湛浦春秋晉楚戰于湛阪卽此

泚水僖三十三年楚子上救蔡與晉師夾泚而軍杜註泚水出魯陽縣東經襄城定陵入汝

陵入汝

泚水卽澠水在今河南南陽府

葉縣東北一里光武大敗王邑

王尋于昆陽士卒溺死澠水為

之不流卽此定陵在今南陽府

舞陽縣界

夏水昭四年楚沈尹射奔命于夏洧杜註夏洧水曲入江今夏口也



春秋大事表

卷八下

山川

楚

無錫縣志

三

陝西求友齋

孔穎達曰漢水之尾變為夏水

以冬竭夏流故名夏水乃漢水

入江處其地在漢陽府城東武

昌府城西正當大別山下禹貢

所謂南入于江者也莊四年會

于漢水在安陸府治鍾祥縣北

去此七百里 泉始出山為漾

南流為沔至漢中東流為漢尾

稱夏隨地立名亦有全漢俱稱

夏者昭十二年王沿夏欲入鄢

杜註順流為沿順漢水南至鄢

鄂在今襄陽府宜城縣順流入

鄂則猶在宜城之北漢水之上

流左傳遽稱夏者是舉尾以該

首猶水經以全漢為沔是舉首

以該尾也

羅水

昭五年楚子以驛至于羅水杜註羅水名

今河南汝寧府羅山縣舊有羅

水北入淮楚子當至此或言即

汨羅不應反過洞庭湖南大謬

窮水

昭二十七年楚與吳師遇于窮令尹子常以舟師及沙汭而還

水經注淮水又東窮水入焉窮

窮



春秋大事表

卷八下

山川

楚

水出安豐縣窮谷即楚與吳師  
遇處在今江南潁州府霍丘縣  
西南八里

沙水

見上

水經注汴沙到浚儀而分汴東

注沙南流至義城縣西南入于

淮謂之沙汭楚東地也義城故

城在今江南鳳陽府懷遠縣東

北

白水

定五年王之奔隨也將涉于成曰杜註  
江夏竟陵縣有白水西南入漢

今湖廣漢陽府漢川縣有白水

西

陝西求友齋

亦名曰子河西南與漢水合

清發

定四年吳從楚師及清發杜註清發水  
名

水經注澗水過安陸縣西又南

逕石巖山北亦謂之清水即春

秋時吳從楚師處今湖廣德安

府附郭安陸縣城西八十里有

石巖山澗水經其下

雍澁

定四年吳從楚敗諸雍澁五戰及郢

今湖廣安陸府京山縣西南八

十里有三澁水通于漢江春秋

之雍澁其一也又縣境有汝澁



吳

山險

夫椒哀元年吳敗越于夫椒杜註吳郡吳縣西南太湖中椒山

通典包山一名夫椒山卽西洞庭

庭山也在太湖中左思吳都賦

指包山而爲期集洞庭而淹留

卽此山周迴百三十五里在今

江南蘇州府吳縣西南八十五

春秋大事表

卷八下

山川 吳

十五

歐西來齋

里或云在無錫縣西北與馬跡

山相近似誤

衡山

襄三年楚子重伐吳克鳩茲至于衡山杜註在吳興烏程縣南

案鳩茲在今江南太平府蕪湖

而烏程乃浙江湖州府之附郭

縣相去太遠不可從今太平府

當塗縣東北六十里有橫山橫

與衡古通用似爲近之

漳滏蕩滏說者以爲卽禹貢之

三滏昭二十三年蕩越縊于蕩

滏今滏

水道

海哀十年吳徐承帥舟師自海入齊

大江自江南通州入海淮自淮

安府安東縣入海吳從此至山

東登萊府界卽齊地

大江哀九年吳城邗溝通江淮

大江自西來流入江南安慶府

宿松縣界南岸爲江西九江府

德化縣界楚地止此從此入吳

境經安慶府太平府江寧府鎮

江府常州府武進江陰縣之北

靖江縣之南又東至通州之狼

山入海經流千五百餘里皆吳

地

淮水

襄三年晉侯使荀息選吳子于淮上

淮水發源河南南陽府桐柏縣

桐柏山東流至光州東北又東

由固始縣入江南潁州府界又



春秋大事表

卷八下 山川

吳

東流至潁上縣東南又東北至鳳陽府懷遠縣界自發源至此皆楚地以下入吳又東經長淮衛至五河縣又東徑泗州城南盱眙城北漫衍入洪澤湖盱眙即吳之善道地襄五年會吳于善道即此又東北出淮安府清河縣之清口與黃河會又刷河東流經山陽縣至安東縣雲梯關入海淮上當在臨淮泗州之境

去

陝西求友齋

邗溝

見上杜註于邗江築城穿溝東北通射陽湖西北至末口入淮通糧道也

今爲邗江亦曰漕河起揚州府

城東南二里歷邵伯湖高郵湖

寶應湖北至黃浦接淮安界爲

山陽瀆其合淮處曰末口在淮

安府北五里自江達淮南北長

三百餘里 淮安府志云運河

古山陽瀆隋開皇六年鑿然吳

王城邗溝出于末口即新城北

辰坊之北閘也三國時以無運

而塞隋因平陳而廣之五代亦



春秋大事表

卷八下

山川

吳

七

陝西求友齋

以不運而溼周以平南唐而濬  
之元以兵阻而廢洪永間以漕  
運而復之時已築新城則又倣  
宋轉運使喬維嶽之制自郡城  
西北逶迤轉于西南建閘通清  
河口皆平江伯陳瑄之力也又  
云石閘在新城北洪武十年建  
今廢爲水關末口卽北閘北關  
卽今新城之北水關末口在淮  
安北五里確有可據

射陽湖在淮安府東南七十里

長三百里故時邗溝由此入淮  
後人于此立堰曰北神堰今漕  
運皆由淮安城西而城東入淮  
之故道廢北神堰不復治而射  
陽湖亦僅成帶水矣 禹貢錐  
指曰今山陽縣西有山陽瀆卽  
古邗溝其縣北五里之北神堰  
卽古末口也明永樂十三年平  
江伯陳瑄總督漕運故老爲瑄  
言淮安城西有管家湖自湖至  
淮河鳴陳口僅二十里與清河



春秋大事表

卷八下

山川

吳

十六

陝西求友齋

口相直宜鑿河引湖水入淮以  
通漕瑄以聞遂發軍民開河置  
四牖以時啟閉此卽今日由城  
西入淮之運道也

笠澤

哀十七年越伐吳吳子禦之笠澤

今太湖也亦謂之五湖周禮職  
方揚州藪具區浸五湖以周行  
五百里故名吳志東北則有建  
康常潤數郡之水自百瀆注之  
西南則有宜歛臨安蒼雩諸水  
自七十二縷注之源多流盛東

西三百餘里南北一百二十里  
周五百里今江南蘇州府之吳  
吳江二縣常州府之武進無錫  
宜興三縣浙江湖州府之烏程  
長興二縣皆其所分隸也

桐水

哀十五年楚伐吳及桐汭杜註宣城廣德縣西南有桐水

桐水在今江南廣德州西北二  
十五里源出州南白石山西北

流經建平縣界又西入宣城縣

界匯于丹陽湖入大江南畿志

古郡名曰桐川曰桐汭



越

山險

會稽 哀元年吳王夫差入越越子保于會稽

會稽山名史記禹會諸侯于江

南計功而崩因葬焉命曰會稽

會稽者會計也水經注謂之古

防山周禮所謂揚州之鎮也在

今浙江紹興府會稽縣東南十

二里

水道

海 哀二十二年越使吳王居甬東杜註句章縣東海中洲也

越地東至于鄞今寧波府附郭

鄞縣南至于句無今寧波府定

海縣東南皆邊海范蠡曰我先

君濱于東海之陂吳晉黃池之

會范蠡舌庸帥師沿海沂淮以

絕吳路

大江

史記越兵橫行于江淮東又楚

春秋大事表

卷八下

山川

越

九

陝西求交齋

世家越已滅吳而不能正江淮

北正義曰謂廣陵縣及徐泗等

州是越地僅至江也

淮水

史記句踐已平吳乃以兵北渡

淮與齊晉諸侯會于徐州周元

王命為伯句踐已去渡淮南以

淮上地與楚

補遺

虞

山險

水道



顛軫

僖二年晉伐虢假道于虞曰冀爲不道入自顛軫伐鄆三門杜註大陽縣東北

有顛陵阪

顛軫在今山西解州平陵縣東

北五十里自上及下七山相重

東西絕澗至爲險仄亦曰虞坂

戰國策騏驥止于虞阪而不能

進是也

三門 見上

卽禹貢之砥柱山在今解州平

陸縣東五十里河流至此山有

三門南曰鬼門中曰神門北曰

春秋大事表

卷八下

山川 越

三

陝西求友齋

人門水經注禹破山以通河謂

之三門

虢

山險

不見傳僖十五年晉侯許賂秦

伯東盡虢略杜註從河南而東

盡虢界元豐志自河南府西南

抵虢州界三百二十五里稍南

抵鄧州界六百里皆高山深林

古虢略也据此則晉桃林之塞

以前當屬虢但傳無明文耳

共池

桓十年虞公出奔共池杜註地名

今山西解州平陸縣西四十里

許有共池志云虞公出奔地山

海經曰甘棗之山共水出焉西

流至于河

西出谷東流

渭水出合翅西流

水

水道

渭汭

閔二年虢公敗犬戎于渭汭杜註渭水出隴西東入河

渭水出今陝西臨洮府渭源縣

界鳥鼠山西北谷東流經蓋厓

興平咸陽渭南至華陰縣入河

渭水入河處乃虢之西境也案

昭二十三年襄弭曰周之亡也

三川震杜註涇渭洛水也三川



舊屬西周後涇水屬秦渭水屬  
虢旋屬晉後入秦洛水出陝西  
慶陽府北非伊洛之洛至同州府朝邑  
入渭朝邑後爲秦王城三川之  
震蓋西周將入秦之應也

北燕

山險

不見傳

水道

濡水

昭七年齊燕盟于濡上杜註濡水出高陽縣東北至河間鄭縣入易水

水經注濡水出蒲陰縣南枉渚

迴湍率多曲復亦曰曲逆水漢

封陳平爲曲逆侯卽此曲逆縣

春秋大事表

卷八下

出川

北燕

三

陝西求友齋

泰山巨齊魯二國

太行山巨晉衛中山北燕四國

海周迴齊吳越三國

大河經流秦晉周鄭衛齊六國

濟水經流鄭衛曹魯齊五國

汝水經流晉鄭蔡楚四國

潁水經流鄭楚二國

章帝改曰蒲陰縣其故城在今直隸保定府完縣東南二十里是濡水之上源矣濡上在今安州任丘間



大江經流巴楚吳三國  
淮水經流楚蔡吳三國

春秋時秦晉周鄭衛齊諸國東西南北渡河考

古大河由北而南折而東復折而東北入海故有西河南河東河

之稱春秋時其津要之見于左傳者凡有數處一曰蒲津卽晉河

曲一曰茅津一曰孟津卽晉河陽一曰延津卽鄭廩延一曰棘津

卽衛南河其往來之徑道俱可考而知焉文十二年晉秦戰于河

曲河曲爲今山西蒲州府通典云有蒲津關西岸爲陝西同州府

朝邑縣秦之王城在焉十三年秦伯師于河西魏人在東是蒲州

與朝邑東西相望也秦晉平日往來多于此晉公子返國濟河子

犯投璧秦伯誘殺呂卻于河上及孟明伐晉濟河焚舟俱在此處

春秋大事表

卷八下 論

主 陝西求友齋

成十一年秦晉爲成秦伯不肯涉河次于王城則在朝邑西岸河

曲之戰史駢曰薄諸河必數之則在蒲州東岸昭元年秦后子造

舟于河歸取酬幣終事入反則從朝邑至蒲州東西造舟以渡以

其常所津濟故不言處所遂自茅津濟遂自南河濟涉自棘津則

以非平日經行處故特著其名茅津在今山西解州平陸縣南岸

爲河南陝州州治距河七里是由北至南秦以晉人不出故不復

從蒲津西返特由茅津南渡至陝州永寧澠池之間封殺尸更西

北從陸路歸也南河一名棘津在衛輝府汲縣南七里曹在衛東

晉從汲縣南渡出衛南而東陸渾今河南府嵩縣在晉南是時晉

欲假用牲于雒以襲陸渾故不由孟津而東南涉棘津以掩其不

備皆非平日往來之常徑故特稱某處某處以著兵機之倏忽棘



津西二十里爲延津卽鄭廩延之津爲今衛輝府延津縣水經云  
河水又東北通謂之延津故衛亦有延津之名孔悝爲蒯賧所逐  
載伯姬于平陽行于延津是也衛之楚正爲滑縣有白馬津亦曰  
延津北岸爲濬縣係衛舊都與淇縣接界衛文公渡河野處漕邑  
是從黎陽南渡白馬津也衛後遷帝正爲今北直之開州黃河在  
開州北十五里則鄭衛皆在河之南故俱有河上之稱衛宣公作  
新臺于河上此時尙都朝歌則在河之北鄭文公使高克禦狄于  
河上則在河之南皆在濱河之境鄭之戰晉師濟河是從孟津濟  
大抵春秋時晉西渡河至秦則由蒲津南渡河至周鄭則由孟津  
東渡河伐齊則由衛之開州長壽津三者皆不言處所蒲津孟津  
皆在晉本境而孟津爲今河南府孟縣卽晉河陽晉與周鄭往來  
春秋大事表

卷八下 論

三

陝西求齊

尤數凡使聘郵遞出軍振旅路必由此城濮之勝晉召王狩于河  
陽是從南渡河而北返鄭之戰先穀以中軍佐濟是從北渡河而  
南至敗而宵濟擲舟中之指及楚莊祀河告成則在原武縣西北  
大河是時倉卒失次不復能整部伍從故道歸也周與晉南北以  
河爲界周都洛陽有北邙山山之北臨大河河北岸卽望見孟津  
子朝用周之寶珪于河津人得之河上蓋在孟津之南也衛遷帝  
正後與鄭皆在河南兩國適晉則鄭由延津衛由白馬津白馬津  
亦曰延津其地名偶一見之襄三十年游吉奔晉駟帶追之及酸  
棗此爲廩延之延津哀十六年孔悝載伯姬于平陽行于延津此  
爲滑縣之白馬津也鄭太叔命西鄙北鄙貳于己又收貳以爲己  
邑至于廩延是延津在鄭之北游吉欲從此渡河北奔晉故駟帶



追之及酸棗用兩珪質于河也齊地西至于河成二年鞍之戰襄  
十八年荀偃沈玉而濟是時河已南徙渡處當在今濬滑之間由  
開州長壽津昭定之開六次至河乃復大抵假道于此蓋是時晉  
地已有鄭之虎牢衛之朝歌并錯入山東范縣界與齊魯接壤大  
抵由河曲以北爲秦晉分界則謂之西河從河曲之南折而東經  
周鄭之界則謂之南河更從南河折而東北穿入衛齊界則謂之  
東河左氏于諸國行軍朝聘之往來皆以一河爲經緯最明晰有  
法今據其可見者約著其地理如此使後之讀左氏者有考焉  
書渡河考後

大河從古遷徙不常在春秋時已當劃分兩截看周定王五年河  
徙自宿胥口東行漯川與禹河故道南北相去幾四百里案定王  
春秋大事表

卷入下

論

五

陝西求友齋

五年己未爲魯宣公七年春秋隱公元年己未至此恰一百二十  
一歲適當春秋之半殆亦氣運使然學者不可不詳攷也宿胥口

在今衛輝府濬縣之西南滑縣之西北禹河則繞濬縣之西而北

流經廣平肥鄉合于潞水卽漳水至肥鄉入河曲周鉅鹿卽禹貢所謂至子大陸也至天津入海

河行漯川後則繞濬縣之南大伾山之足折而東流至長壽津復

與漯別大河經內黃之東北流過元城縣西漯河則經開州清豐

抵觀城范縣之界復迤邐折而東北流至濱州利津入海秦晉周

俱在濬滑之西境與河徙無涉齊地去徙處尙遠其改移者獨衛

而見于傳文可考者莫著于開州襄十四年孫蒯入使衛獻公歌

巧言之卒章其詩曰居河之麋職爲亂階蓋指孫文子居戚戚在

開州北七里故以刺之使在宣七年以前河不經由開州無爲歌



此詩矣哀二年晉納蒯賁于戚宵迷陽虎曰石河而南必至焉杜註云是時河北流過元城界戚在河外晉單已渡河故欲出河右而南使河未徙不經由元城無右河而南之理又襄二十九年吳公子札自衛適晉將宿于戚史記孔子自衛將適晉臨河而反曰美哉水洋洋工之不濟此命也夫大抵河徙以後諸國欲適晉者必由衛由衛適晉者必由開州長壽津蓋取道徑便孫林父擁兵居戚踞大河之濱當南北孔道又結交晉之權要故諸侯畏之若一敵國綜而計之禹導河從積石起至東過洛汭迄今河道如故卽再經千百年亦應無變更蓋自鞏縣以西至秦晉交界東乎華山太行北却重山疊巘之間河勢不得橫溢至濬縣出險就夷春秋中葉河始徙向繞大伾山之西直北流者轉經大伾山之南麓

春秋大事表

卷八下 論

五

陝西求交齋

出乎濬滑之間而東行漢之末季曹袁相拒官渡黎陽白馬爲戰爭要地至宋靖康之世猶然元代河合淮流大河經開封城北距濬縣又南徙三百里而禹貢所謂至于大伾者亦無之矣滄桑之故夫豈偶然要之禹河初變自春秋宣七年始余是以謹志之乾隆十年十二月下浣六日復初氏又識

春秋不書河徙論

春秋不書河徙論

周定王五年河徙當魯宣公之七年爲千古河流變遷之始此係大事而聖人不書何也曰此可見春秋之書因魯史魯史之書因赴告列國不赴則魯史不書聖人亦無從書也曰然則列國之不赴何也曰是時河徙自宿胥口東行漯川在今濬縣之境諸國獨係于衛周及秦晉皆無與倘衛而流殺人民漂沒屋廬則自不免



赴告列國而是時河漯合行漯亦自能容河卽使小有決溢而三代之時民居稀少去水各二十五里凡山澤隙地皆不耕種水至得有所遊盪故雖經行滑縣及開州滑卽衛楚之地開州卽衛帝工之地逼近國都而無甚患害本國不赴告鄰邦不弔災故魯史莫得而書也曰子何以知其然也曰據春秋宋大水則書齊大災則書宋衛陳鄭災及成周宣榭火則書凡王朝及四鄰之國水火災稔無不書者豈有河流失常壞人都邑而不重書之于策乎以是知不告故不書無大患故亦不告也曰襄公二十三年爲周襄王之二十二年穀洛鬪毀王宮至春秋襄二十四年而齊人城邾此時自當告于齊豈有告齊而不告魯之理而春秋不書何也曰此魯人恥之故諱之也凡春秋書列國之災無不行弔卹之禮

春秋大事表

卷八下 論

三

陝西求友齋

者故宋大水而公使弔焉宋災而諸侯會于澶淵歸宋財是時天子微弱晉亦失政魯惟晉伯之令是聽晉魯皆王室懿親不徵諸侯爲王城邾而齊叛晉乃行之故魯晉皆以爲恥而諱而不書亦非聖人削之也通考春秋全經如僖十四年沙鹿崩成五年梁山崩壅河三日不流公羊云皆爲天下記異若循此例則茲之河徙與穀洛鬪其變故更大而不一見于春秋者此可考見當日之情事與世變而非聖人之有遺漏及有所筆削于其間通乎此而可以知春秋書不書之故矣乾隆十一年七月下浣六日復初氏識于淮陰志館

春秋時藪澤論

余攷古之藪澤其見于爾雅周官職方及禹貢惟彭蠡震澤至今



長存其餘若荷澤今爲曹州府荷澤縣矣孟豬今爲歸德府孟諸

臺矣滎波今爲鄭州滎澤縣大野今爲兗州府鉅野縣雲夢今爲

安陸府雲夢縣至澤之古無而今有者尤不可勝紀洪澤湖近古

州來今壽州巢湖爲古居巢吳楚戰爭時未有也錢塘江爲吳越分

界吳越戰爭時未有也至洞庭爲稽天巨浸南旺湖爲南北分水

之脊春秋時不聞其名蓋水勢有變遷此盈則彼涸雲夢竭而後

水入洞庭湖大野枯而後水歸南旺澤滄桑之理使然至彭蠡震

澤之所以亘古長存者蓋亦有故余生長東南熟知太湖利害又

乾隆歲己未余自武陵浮錢塘徑建德入徽歛以達浮梁又自浮

梁絕彭蠡以至九江假館大孤山塘與彭蠡相吞吐者一載有餘

歸由湖口縣入大江浮舟東下細察水勢蓋彭蠡自南而入于江

### 春秋大事表

#### 卷八下 論

七

陝西求友齋

朱子謂地勢北高南下故其入于江也反爲江水所遏而不得遂

因卻而自豬以是瀾漫成數十里之大澤而夏氏允彝亦云震

澤四面之水既高若建瓴而入海之處又亢若仰盂水亦反流而

趨內其中受水之處蓄而不洩內溢而外噎則激盪靡寧因恍然

曰二澤之所以長流至今者豈非以此之故哉蓋澤以受水必使

四面高而中央下而後水得有所容注若西北諸澤則地形高仰

又雲夢在安陸諸府地亦偏于西其日久而漸涸漸微且或遷徙

他處其理固然無足怪者余觀春秋時藪澤合諸禹貢已有不盡

符者至今日則汪洋之地變成官府城市之區淪爲魚鼈難可究

詰而二水自禹貢至今莫之有改考其地勢豈不較然著明也哉



杜少陵詩云雲帆轉遼海粳稻來東吳說者謂此卽唐時海運也  
至元世祖時用宋末海盜朱瑄張清爲萬戶府歲運東南粟四百  
萬至燕京行之百年至明洪武永樂朝猶海陸兼運至會通河成  
而止儒者謂元虐用其民猝遇颶風顛覆至以生靈膏魚鼈之腹  
而不知浮于江海達于淮泗禹貢已有之海道出師已作備于春  
秋時併不自唐起也左傳哀十年吳之伐齊也徐承帥舟師自海  
入齊此卽今登萊之海道也國語哀十三年越之入吳也范蠡舌  
庸帥師自海泝淮以絕吳路此卽今安東雲梯關之海道也春秋  
之季惟三國邊于海而其用兵相戰伐率用舟師蹈不測之險攻  
人不備入人要害前此三代未嘗有也是以聖人止守內地不矜  
遠畧僖四年管仲對楚使曰齊地東至于海此特誇言耳其時登  
春秋大事表

卷八下 論

三

陝西求友齋

萊二府尙有萊介諸國與夷雜處至襄六年滅萊齊境始邊海而  
適召吳之寇楚使曰寡人處南海此亦誇言耳終春秋世楚地不  
到湖南至秦始皇始兼桂林象郡而漢武遂遣樓船橫海將軍浮  
海擊東越晉劉裕之滅盧循也遣將軍孫處帥師三千由海道入  
番禺中國遂以海爲門戶而在春秋時尙爲荒遠莫居之地故吳  
雖欲避楚長江直下之險止從淮右北道未嘗由海道使當日楚  
越甌廣而有之則樓船橫海之師且見于闔閭之世矣是以後世  
疆域益廣爲備益多煙燉障戍濱海相望而猶時有烽煙之警卽  
春秋吳齊已事較然可見世運遷流其亦有不得不然者哉  
春秋列國山川表卷八之下終



春秋列國地形險要表叙

險要之為天下重也從末世起也羣雄起而後有戰爭戰爭用而後出奇制勝設守要害則險要尙焉太平之世天下為家未嘗有也余讀左氏知春秋險要之地莫多於秦晉吳楚鄭衛鄭衛南北所爭而吳楚秦晉壤地相錯為日交兵之國桃林二殺茅津之為西北險也以秦晉七十年之戰爭著也注氏曰秦晉七十年之兵爭起於殺之戰終於襄十四年十三國之師函

谷入秦而六國之亡兆矣鍾離州來居巢之為東南險也以吳

楚七十年之戰爭著也林氏曰鍾離州來居巢三邑吳爭七十年而後得此州來一入吳而入郢之

禍基矣他如齊穆陵之為大峴晉劉裕過之而喜形于色者而地

鄰莒魯強晉東來道所不經故戰伐罕書焉晉南陽之即河陽唐

李光弼百戰守之以固關輔者而界連周鄭方輯和以拱衛故兵

春秋大事表

卷九 叙

爭亦不及焉轅轅伊闕同一險也伊闕以備子朝而著而轅轅則

無聞虎牢敖倉同一要也虎牢以晉悼之城而著而敖倉則無聞

至晉楚懸隔千里所爭惟在鄭宋楚成彭城以塞晉之通吳晉城

虎牢以防鄭之服楚春秋尤大書特書少習武關為秦豫咽喉之

地秦人滅郟蓋欲南出以圖武關而卒不能有及楚圖北方將通

少習而晉人震懼豈非襄鄖商雒之間地形阨塞與函谷俱稱絕

險哉故險要有常所初無定形有千年不易之險要有一時因敵

為防之險要往往在後世為要害在春秋為散地者此亦古今時

勢不同之故也聖王安不忘危大易有設險之義周書有慎固之

訓三代之世何嘗不以險要為兢兢故詳列春秋所書參以後世

攻守之事使古今山川險固瞭若列眉而列國強弱之勢與當日

攻守之事使古今山川險固瞭若列眉而列國強弱之勢與當日



行軍用師交爭累戰之故俱可考而知焉輯春秋列國地形險要  
表第九

春秋大事表

卷九

叙

二

陝西求友齋

表第九

行軍用師交爭累戰之故俱可考而知焉輯春秋列國地形險要







昭二十二

北山

杜註北芒

也一作邙

今在河南

府城北十

里山連儼

師孟津鞏

三縣緇東

四百里東

西魏及隋

未李密王

戰于首苦

世尤皆洛

陽形勝地

也

昭元年趙

孟館于維

泗

杜註洛水

在河南鞏

縣南亦謂

之鞏

水經註洛

水入河之

處亦曰什

谷張俄說

秦下兵三

川塞什谷

之口是也

漢王距楚

兵于此隋

于此置洛

陽常用重師于穀

兵戍守後杜註穀在

魏攻圍數弘農池

月不拔元縣西亦曰

嘉八年蕭二嶠

思諱葉東今在河南

陽奔曰昌府永寧縣

魏軍竟不北六十里

至而東陽東北入滻

積聚已為池縣界自

百姓所羨 新安以西

思澠池砮

石陵州靈

寶蘭邦而

成二年晉 至于潼關

卻克入自凡四百八

工與擊馬 十里皆河

陸 流翼岸魏

在今山東 岸插天絕

青州府西 谷深委險

益都縣西 甲于天下

南晉永嘉

春秋大事表

卷九 險要

陝西求友齋

河秦亦名杜註陳留山中南九

德勝津宋 敗襄縣北州之險

真宗時有 杜註在始 南陽府裕長十二年

之南城北 舊城在今 平武功縣 州東北四公會吳于

城盟契丹 河南開封 南亦曰南 十里州境鞏阜

于澗州 府延津縣 山

北十五里 在今陝西 葉縣正在 藍州西南

黃河故道 乾州武功 州北自 葉縣西北六

自新鄉東 縣西南九 縣之方城 十里一名

流徑衝 裡十里西 起山至 唐縣會吳 城漢

成十七年 河南謂之 藍田相距 里

同盟于馬 七里謂之 藍田相距 里

杜註在陽 二十里為 關中有事

平元城縣 延津石勒 蔡南其必 昭四年吳

今北直大 出于此以 葛與魏 相襟席楚 流兵枳州 屯

名府治元 河水泮為 持多在 南尹射奔 命劉銜等 所

城縣東南 魏靈昌津 谷開

十五里有 號靈昌津 谷開

馬陵道 戰唐安 蘇山

國特魏伐 渡此欲 洛

葉縣南

今在河南

蒙臯

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

昭二十二

北山

杜註北芒

也一作邙

今在河南

府城北十

里山連儼

師孟津鞏

三縣緇東

四百里東

西魏及隋

未李密王

戰于首苦

世尤皆洛

陽形勝地

也

昭元年趙

孟館于維

泗

杜註洛水

在河南鞏

縣南亦謂

之鞏

水經註洛

水入河之

處亦曰什

谷張俄說

秦下兵三

川塞什谷

之口是也

漢王距楚

兵于此隋

于此置洛

陽常用重師于穀

兵戍守後杜註穀在

魏攻圍數弘農池

月不拔元縣西亦曰

嘉八年蕭二嶠

思諱葉東今在河南

陽奔曰昌府永寧縣

魏軍竟不北六十里

至而東陽東北入滻

積聚已為池縣界自

百姓所羨 新安以西

思澠池砮

石陵州靈

寶蘭邦而

成二年晉 至于潼關

卻克入自凡四百八

工與擊馬 十里皆河

陸 流翼岸魏

在今山東 岸插天絕

青州府西 谷深委險

益都縣西 甲于天下

南晉永嘉

河秦亦名杜註陳留山中南九

德勝津宋 敗襄縣北州之險

真宗時有 杜註在始 南陽府裕長十二年

之南城北 舊城在今 平武功縣 州東北四公會吳于

城盟契丹 河南開封 南亦曰南 十里州境鞏阜

于澗州 府延津縣 山

北十五里 在今陝西 葉縣正在 藍州西南

黃河故道 乾州武功 州北自 葉縣西北六

自新鄉東 縣西南九 縣之方城 十里一名

流徑衝 裡十里西 起山至 唐縣會吳 城漢

成十七年 河南謂之 藍田相距 里

同盟于馬 七里謂之 藍田相距 里

杜註在陽 二十里為 關中有事

平元城縣 延津石勒 蔡南其必 昭四年吳

今北直大 出于此以 葛與魏 相襟席楚 流兵枳州 屯

名府治元 河水泮為 持多在 南尹射奔 命劉銜等 所

城縣東南 魏靈昌津 谷開

十五里有 號靈昌津 谷開

馬陵道 戰唐安 蘇山

國特魏伐 渡此欲 洛

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南

今在河南

葉縣南



嶽三塗陽

城太室九

州之險

林註卽中

嶽嵩高山

也

今在河南

府登封縣

北十里在

汝潁之間

雖通近都

會而道里

少爲僻遠

蒙古攻金

下乃由嵩

山小路遶

汭輒以鐵

鎗相鎖連

接爲橋以

渡遂趨汗

京卽此

僖三年傳十一年于

奔鄆盟于茅澤楚浮

石門尋盧采曰大陽

之盟也 橋長七十

杜註濟北六丈廣二

盧縣故城丈架大河

在今山東之上東則

濟南府長 當平津西

清縣西南則大陽津

三十五里實大河之

按盧爲齊衝要也

高侯采邑

成十七年

高弱以盧

河陽

叛襄十八僖二十八

年晉趙武年天王狩

韓起以上于河陽

軍圍盧二杜註河陽

十九年高今盟津

暨又以盧古河陽城

蓋亦險在今河南

隘之地唐懷慶府孟

地里志盧縣西南三

春秋大事表

卷九 險要

三

河以取敖倉粟鄭生說漢高據敖倉之粟是也

東北百步今爲汜南漢水入江泗州盱眙處也亦謂雒南兗州之魯山杜記盱眙本佈曰三國吳善道地南北朝爲也秦爲東必爭之地陽縣二世時陳嬰爲

鍾離

東陽令史卽此宋太祖昭四年楚守沈瑛緝使戴尹宜城後隍魏

谷城鍾離太武以三襄啟疆城十萬衆圍

巢然丹城三旬不克

州來以備而退張魏

吳昭二十四宜于盱眙

年楚平王屯駐以扼

爲舟師以清河上流

略吳疆師淮西宜于

遠吳疆楚漢壽屯駐

逐滅巢及以扼渦潁

鍾離之運

在今江甯

鳳陽府臨空澤

淮縣東四哀十七年

里春秋時越伐吳吳

互爲吳楚子雲之笠

邊色屣代澤卽今太

爲戰爭重湖在江南

地梁天監蘇州府西

中魏元英南三十里

建國鍾離常州府東

邢巒謂鍾南百里浙

離天險必江湖州府

無克狀卽北二十八

里哀元年

此

州來

吳敗楚于夫椒通典

楚城州來云卽今太

見上自後湖中西湖

楚屬吳楚庭山也江

昭二十四浙有事太



春秋大事表

卷九 險要

雒遂滅陸

杜註河津

名亦曰南

河傳二十

八年晉將

伐曹假道

于衛衛人

不許還自

南河濟即

此杜註從

汲縣南渡

出衛南而

東水經注

燕縣故城

北有濟水

北來注之

有棘津之

名亦曰石

濟津

今在河南

衛輝府汲

縣南七里

孟門

襄二十三

年齊侯伐

晉取朝歌

為二隊入

孟門登太

行

杜註孟門

案孟門即

白陘太行

入陘中之

年魏父之胡當為戰

戰楚師大區唐初李

齊州來洋子通為杜

為吳地封代威所敗

季札于此自京口東

為延州來走太湖襄

季子哀二取沈沈與

年吳遷蔡于吳郡五

于州來謂代時吳越

之下蔡南唐往往

在今江南關爭于此

壽州北三明大祖與

十里古下張士誠相

蔡城也在持時常州

淮水之北府悉為明

與壽春城境而無錫

對據真敵猶為士誠

淮濱自南守乃自宜

北朝梁魏與下太湖

與後周南先取湖州

唐為苦戰嘉興李文

之地汴宋忠亦下杭

四

陝西求友齋

以下蔡為州來攻蘇

北壽春而州掄士誠

壽春縣為而無錫乃

南壽春劉下蓋險要

銷楊沂中之無定形

敗劉麟劉如此

視于此

巢

楚城巢滅

巢見上

古居巢城

在今江南

廬州府巢

縣治東北

五里孫權

于此築濡

須塢曹公

四載巢湖

不成即此



太行

見上  
杜註闕  
案輿地志  
太行陘在  
河南懷慶  
府西北三  
十里八陘  
中之第二  
陘也其地  
據南北之  
喉吳起稱  
殷紂之國  
左孟門右  
太行蓋以  
紂都朝歌  
太行如屏  
擁其西北  
二陘分列  
左右

春秋大事表

卷九 險要

壺口

哀四年齊  
國夏伐晉  
取壺口  
杜註潞縣  
有壺口關  
今在山西  
潞安府城  
東南十三  
里延袤百  
餘里東接  
相州山形  
險狹形如  
壺口自昔  
為堯喉之  
地

華山

晉許駘秦  
第十五年

大隧

定四年相  
舉之戰楚  
左司馬戍  
謂子常曰  
我悉方城  
外以毀其  
舟還塞大  
隧直轅冥  
阨  
杜註三者  
漢東之隘  
道  
大隧一名  
武陽關在  
今河南信  
陽州東南  
一百五十  
里西南至  
湖廣德安  
府應山縣

五

陝西求友齋

直轅

一名寅觀  
關又謂之  
九里關在  
信陽州南  
九十里南  
至應山縣  
亦九十里

冥阨

一名平靖  
關在信陽  
州東南九  
十里南至  
應山縣北  
六十五里  
三關勢如  
首尾南北



春秋大事表

卷九 險要

六 陝西求交齋

伯以河外

列城五南

及華山

杜註在弘

農華陰縣

南

今在陝西

同州府華

陰縣南十

里亦曰西

嶽秦踐華

為城因河

為池險甲

天下春秋

特屬晉為

陰晉邑

陰地

宣二年趙

盾自陰地

侵鄭又有

陰地之命

朝時所謂

義陽三關

也齊梁世

為重鎮

渚宮

文十年子

西治漢沔

江將入鄧

王在渚宮

下見之

水經注今

江陵城楚

船官地即

春秋之渚

宮也

今為荊州

府治江陵

縣東晉後

嘗為重鎮

桓温及其

弟冲皆保

大夫

杜註自上

雒以東至

陸渾

今為陝西

商州治以

在洛水上

源亦曰上

雒哀四年

楚起豐析

以臨上雒

赫連勃勃

謀取關中

王買德曰

清泥上洛

南北險要

河曲

文十二年

晉秦戰于

河曲

杜註在河

據渚官梁

元帝後梁

蕭統及高

從誨皆都

此

穎尾

昭十二年

楚子狩于

州來次于

穎尾

杜註穎水

之尾在下

秦西

今在江南

鳳陽府壽

州西北四

十里穎水

入淮處也

亦曰穎口

魏晉不循



春秋大事表

卷九 險要

七 陝西求友齋

東蒲阪縣

蒲坂城在

今山西蒲

州東南五

里渡河即

陝西同州

府朝邑縣

有蒲津關

與朝邑縣

之臨晉關

東西相對

魏武帝征

馬超韓遂

夜渡蒲津

關即此水

經天河水

自此折而

東故謂之

河曲據關

河之要劉

石符姚林

連招拔高

宇文氏莫

不力爭此

爲關中得

失唐升州

爲河中府

朱全忠欲

取河中謂

諸將曰我

今斷長蛇

之腰爲我

以一繩縛

之蓋有河

中則河東

不能與長

安相聯絡

也

稷

宣十五年

晉侯治兵

秦泗浮淮

如壽春蓋

自潁口入

淮歷代爲

扼要之地

沈

定四年秦

滅沈後屬

楚爲平輿

邑

杜註汝南

平輿縣北

有沈亭

今河南汝

寧府治東

南有平輿

故城亦曰

懸瓠城南

北用兵懸

瓠爲必爭

之地汝水

屈曲形如

垂瓠故名

申

楚文王縣

申息

杜註申國

今南陽宛

縣

在今河南

南陽府南

陽縣北三

十里終秦

秋之世申

最爲楚重

地每有攻

伐必發其

兵後光武

亦從南陽

起林氏曰



春秋大事表

卷九 險要

于稷以略

狄土

杜註河東

開喜縣西

有稷山

今在山西

絳州稷山

縣南五十

里隋因山

以名縣縣

西南十三

里宇文時

王思政于

此築玉壁

城高歡攻

之不能克

後韋孝寬

代思政歡

百計攻圍

晝夜不息

孝寬隨機

拒守數旬

勇侯盡而

退因置勳

州以旌其

功通釋云

玉壁城西

西並臨深

谷其北尤

大險

顛幹

倍二年荀

息假道于

楚有圖北

方之志其

君多居于

申合諸侯

又在焉子

重請申呂

為賞田巫

臣曰不可

無申呂晉

鄭必至于

漢

棠

襄十四年

楚子囊師

于棠以伐

吳

今為江南

江寧府六

合縣堂邑

塗塘卽此

亦名瓦梁

河孫權築

堂邑塗塘

以掩北道

晉武平吳

使王佃出

塗中大石

四年諸石

率舟師屯

塗中南唐

何延錫建

言六合西

二十五里

有堰曰瓦

梁水合五

十四流輻

湊吳堰中

關橫斷羣

山回環據

天經而絕

地釋之要

者

陝西求友齋



春秋大事表

卷九 險要

九

陝西求友齋

縣東北五十里亦曰

虞坂自上

及下七山

相重東西

絕澗至為

險及戰國

策驛驛止

于虞坂而

不能進即

此

下陽

僖二年虞

師晉師滅

下陽

杜蒞號邑

在河東大

陽縣

今山西解

州平陸縣

東北四十

五里為故

下陽城隔

河為河南

陝州號地

蓋跨河南

北晉假道

于虞伐虢

賈逵曰虞

在晉南翼

更在虞南

是也元察

早帖木兒

自陝州追

汝頰賊賊

渡河陷平

陸復追襲

之賊之以

鐵騎賊還

鵠岸

昭五年吳

敗楚人于

鵠岸高氏

據杜佑說

謂今太平

府繁昌縣

西南大江

中有鵠尾

洲池州府

銅陵縣北

十里有鵠

頭山高聳

臨江唐志

云山在鵠

洲之頭故

名即古鵠

岸也宋泰

始二年晉

安王子勛

舉兵遣其

將陶亮軍

鵠洲又袁

覬率樓船

千餘來入

鵠尾元凶

勦之亂武

陵王駿軍

于鵠頭孝

建初南郡

王羲宣舉

兵鵠頭梁

承聖初王

僧辨討侯

景遙侯瑛

襲鵠頭成

克之唐李

幸恭討輔

公和拔其

鵠頭鎮蓋

連常為戰

二地本相

爭要地



賦赴水死  
者甚衆卽  
此

長岸

昭十七年

楚人及吳

戰于長岸

今江南太

平府西南

三十里有

東梁山與

和州南七

十里之西

梁山夾江

相對如門

之闕楚獲

吳乘舟餘

皇處督伐

吳吳主遣

將軍張象

禦之于梁

山象降遂

破建業宋

孝建元年

春秋大事表

卷九

險要

十

陝西求友齋

南郡王義

宣叛宋主

命柳元景

等據梁山

洲陳霸先

先拒侯瑒

遣侯安都

立柵于梁

山唐初輔

公祐于梁

山連鐵鎖

斷江路歷

代爲建康

西偏之要

地東晉以

京口爲北

府茹敦爲

昭關

戰國策范

睢曰子胥



昭關 今在江南  
 和州含山  
 縣北二十  
 里一名小  
 峴山與大  
 峴山兩山  
 對峙為廬  
 壽往來之  
 衝南北朝  
 為戰守要  
 地宋紹興  
 十一年王  
 德復和州  
 兀光退屯  
 昭關德擊  
 敗之遂復  
 昭關三十  
 一年金亮  
 南侵王權  
 棄廬州退

春秋大事表

卷九 險要

十一 陝西求友齋

屯昭關又  
 自昭關退  
 保和州淮  
 西大援隆  
 興二年金  
 人入豫涿  
 王彥秉昭  
 關走兩淮  
 幾陷其山  
 長二十里  
 兩山壁立  
 水遠山下  
 險固足恃  
 春秋時為  
 吳楚之界

春秋列國不守關塞論

春秋時列國用兵相鬪爭天下騷然然其時禁防疎闊凡一切關  
 隘阨塞之處多不遣兵設守敵國之兵平行往來如入空虛之境



其見于左傳者班班可攷也文十三年春晉侯使詹嘉處瑕以守  
桃林之塞註云以備秦桃林今潼關也昭二十六年秋晉知蹇趙  
鞅帥師納王使女寬守闕塞註云以備子朝闕塞今伊闕也二者  
天下之險必待紛紜有事而後遣將設守重書于冊則其平日之  
漫無閑禦可知矣齊莊公之伐晉也入孟門登太行封少水而還  
而晉僅于其還也使趙勝率東陽之師追之而已而晉平日之備  
禦無有也吳闔閭之入楚也舍舟淮汭自豫章與楚夾漢道由大  
隧直轅冥阨而司馬戍第于旣陣始議塞城口以邀其歸路而楚  
平日之控扼無有也是皆一夫守險千人莫過使當日有一旅之  
師百夫之長當關旅拒則齊之啟肱申殿必不能輕騎而入羊腸  
之隘吳之水犀精甲必不能疾驅而至漢水之濱也以至文五年  
春秋大事表

卷九 論

十一 陝西求友齋

秦人入都道由上雒出武關經歷晉之陰地是時秦晉已絕好而  
都在南陽之析城深入東南五百餘里秦出兵與楚爭都而晉人  
不之禁也僖三十三年秦人襲鄭道自華陰出函谷關經歷二崕  
及周之轅轅伊闕而後至河南之偃師行嶽巖深谷中二千餘里  
商人弦高遇諸途而始覺而周人晉人不之詰也他若晉會十三  
國諸侯于柤而柤爲楚地吳伐魯而子洩故從武城道險是蓋列  
國皆然主者無設險固圉之謀敵人無長慮卻顧之志處兵爭之  
世而反若大道之行外戶不閉歷敵境如行几席如適戶庭主人  
能則有秦穆之喪師主人不能則爲楚昭之失國春秋之所以日  
尋于多事者以此也易有之重門擊柝以待暴客又曰慢藏誨盜  
夫土地人民國之寶藏敵國外患國之大盜偃然弭備而欲狡焉



啟疆者不胥其篋而劫其藏得乎善爲國者慎其封境險其守集  
深維大易設險之謀重凜周書慎固之訓庶乎姦宄戢志而強鄰  
寢謀矣

春秋列國地形險要卷九終

求友齋校勘

春秋大事表

卷九 論

十三

陝西求友齋

春秋列國地形險要卷九終

春秋列國地形險要卷九終

春秋列國地形險要卷九終



春秋列國地形口號叙

余纂春秋地形卷成中有所見與前人違反處既為著論復作韻語以叶之積成一百一十三首取便于學者之記誦其封疆錯互險要肯綮與列代戰爭顯著及今日川瀆改易併漕運海道來由俱用今代府州縣地名旁注其下簡而居要可為讀史之先路杜氏之驛郵而列國廢興大要封建原委與杜註孔疏之舛謬亦一二附見焉昔元遺山先生效少陵體作評論古今人詩三十六首近世阮亭復推廣之為五十首余不能詩但以左氏夬角受讀今成白首又參以二十年來足跡所歷輒做元氏之意名曰春秋地形口號貽諸學者用為讀左之一助云時假館九江大孤山堂乾隆四年十二月上浣復初氏識

春秋大事表

口號 列國地形叙

一 陝西求友齋

此表之體例... 春秋大事表... 陝西求友齋... 卷之...



春秋列國地形口號

錫山 顧棟高復初 著

金匱 華玉涪師道 參

老向蟬魚寄此身那堪厯碌走風塵春秋列國紛如繡贏得披圖

數問津 一

余經歷七省到處訪求春秋地理

從古文人說馬遷擣摺經傳等談天瀾翻左氏如流水聚米山河

在眼前 二

土地稱名歷代更征南註左最分明滄桑更轉無窮劫繙譯重須

仗顧榮 三

杜元凱有釋例土地名

春秋大事表

口號 列國地形

一 陝西求友齋

綺錯縱橫舊版圖瓜分合併更懸殊若從盲左清疆索鄺註桑經

信不誣 四

鄺道元註桑欽水經說春秋地理最有根據

初遷洛邑帶河陽肩背桃林是號疆表裏山河俱屬晉空存虛器

守烝嘗 五

鄭氏詩譜周東都北得河陽漸冀州之南河陽為今河南懷慶府孟縣即古孟津也又號公為王卿土號地自河南府嵩縣以西至陝州靈寶六百里高山深林皆號略之地桃林之塞在焉

後皆屬晉

聲勢相聯稱宛雒宣王封謝壯藩垣申亡腰膂從中斷南國旋成

楚北門 六

詩稱于邑于謝南國是式謝申伯之都周之南國也故城在今河南南陽府南陽縣北三十里楚王滅申由是出兵則以申息為先驅守禦則以申呂為門戶文十六年楚大猷戎蠻交伐

楚申息之北門不敗



燕封僻遠隔山戎職貢王朝路未通北伐功高稱尙父 京師左輔舊無終 七

莊三十年山戎病燕齊桓公伐以通道山戎曰北戎曰無終三名一地也襄四年無終子嘉父納虎豹之皮于晉以請和諸戎杜註無終山戎國名今爲直隸永平府玉田縣縣治西有終城 古無

齊桓伐楚合江黃此是驅人到滅亡晉悼用吳能制楚褒齊貶晉說何狂 八

江在河南汝寧府真陽縣東黃在光州西十二里皆近楚小國齊桓于僖四年合江黃入國爲名陵之師僖十二年楚滅黃文五年楚滅江齊不能救諸儒謂齊桓能遠交以孤楚之勢胡氏至比之牧野之庸蜀彭濮而以晉悼之用吳比之却虎進狼者竊所未喻

登萊大海浸茫茫萊子城高百尺牆齊滅萊棠通海道空聞鏗鎔怕吳強 九

今山東登州府黃縣東南二十里有萊子城極爲險峻萊棠邑在今萊州府卽歷縣南八十里襄六年齊侯滅萊遂圍棠滅之齊于是始有登萊二府之境東際于海矣哀十年吳徐承帥舟春秋大事表 口號 列國地形 二 陝西求友齋

師自海入齊蓋因齊滅萊棠後通東方海道也

敵人韓原患寇深幾從河內費搜尋晉疆直抵延安府白翟遺墟舊帶襟 十

韓原晉地爲今陝西同州府之韓城縣僖十五年韓之戰晉惠公曰寇深矣若之何近代顧亭林先生謂韓城在河外無寇深之理疑當在河東或欲以河北縣之韓亭當之非也晉跨有河西之地直抵白翟故墟魏得之爲河西上郡孔氏曰河西同丹二州丹州今延安府宜城縣上郡爲延安以北延安東去黃河界四百五十里賢諸寇深之言脗合不必以韓城爲疑也

曹衛諸姬南向楚名之曰畔更何辭宋儒半是陳餘者只道文公譎用師 十一

曹衛以北方大國與魯僖俱南向事楚此時周室孤立有累卵之勢晉文生致楚師一舉勝之使天下諸侯翕然宗晉具有回瀾倒日之力僖二十八年書晉侯侵曹晉侯伐衛兩舉其爵家氏僖翁所謂言之不足而重復言之者也夫子謂諱而不正蓋指其他事如請隧及召王巡狩之類耳必以伐衛致楚爲謫是驅天下而爲宋襄之仁義也厥後雖晉伯極衰叛者四起而曹衛未嘗一日事楚豈非城濮之餘烈未艾歟

狄之廣莫晉爲都密邇平陽患切膚滅衛入邢侵魯鄭東連齊界



半宴區 十二

僖五年傳二五言于晉獻公曰蒲與二屈君之疆也詩使重耳主蒲夷吾主屈使曰狄之虞莫于晉為都杜註蒲平陽蒲子縣今山西隰州屈平陽北屈縣在今山西吉州治東北二十里俱逼近晉都是時狄使滅諸國狄地蓋連五齊晉由山西貫直隸以及山東之西界

齊晉東西各樹壇征車盟會路漫漫晉人滅潞收遺地逼近齊疆

遂戰鞏 十三

初時齊在山東晉在山西遠不相及故齊桓之霸晉獻不與盟晉滅虞虢齊桓不能討自宣十五年晉景公滅潞收狄之遺土于是晉地跨有東昌曹濮之境與齊接壤成二年鞏之戰遂平齊行以齊都矣卻克欲使齊之地盡歸東其賦惟戎車是利蓋以地逼近故也

范家封邑在山東狄土歸來作賞功後入齊疆更奇絕助臣黨叛

長凶風 十四

范為今山東曹州府范縣季氏私考謂此係衛地晉不應以封其大夫余考宣十二年鄭之戰士會稱隨武子宣十五年晉滅潞十六年士會帥師滅甲氏留吁十七年請老稱范武子以後終春秋之世稱范不稱隨蓋范為狄所滅之衛地晉收之以為士會賞功之邑耳後又入齊為邑孟子自范之齊即此此因春秋之季范中行叛晉即齊齊衛助之范遂入齊不返情事固顯

春秋大事表

口號 列國地形

三 陝西求友齋

也 然

郇伯懷思歎下泉黍苗陰雨被桑田興師曲沃由朝命見滅王靈

不復宣 十五

詩稱郇伯勞之毛傳郇伯侯也鄭箋云郇侯文王之子為州伯郇一作荀左傳畢原鄆郇文之昭桓九年荀侯賈伯伐曲沃郇與荀同一國也荀承王命逐五國以依曲沃舉方伯連帥之職而波郡古文云晉武公滅荀以賜大夫原氏黜為荀叔是顯抗王命挾仇滅國而周室不討王令不行于天下可知矣僖二十四年晉文公入國秦晉大夫盟于郇杜註解縣西北有郇城今在山西蒲州府臨晉縣東北十五里即故荀國地

梁韓同在陝韓城秦晉鄰居鼠穴爭厥後戰攻歷幾世少梁劄首

血縱橫 十六

韓姬姓文王之子詩稱韓侯受命是也晉文侯滅之為韓原地後以封桓叔之子韓萬為韓氏之祖在今陝西同州府韓城縣南十八里梁庶姓僖十九年秦穆公取其地為少梁邑在韓城縣南二十里文十年晉人取少梁即此

秦臨河界築王城秦晉為成亟會盟初起西陲基尚狹東平晉亂



始經營 十七

王城在今陝西同州府朝邑縣西二里所謂臨晉也東近黃河渡口秦孝公初立下令曰穆公東平晉亂以河為界則知前此未能東至河也韓之戰獲晉侯十月晉陰飴甥會秦伯盟于王城王城之名始見于此疑經營即在此時

靈臺舊在鄂宮旁周室遺模尚未亡奢麗阿房秦帝制可憐焦土

是咸陽 十八

周靈臺在今陝西鄂縣東三十里阿房宮在今咸陽縣俱屬西安府

秦伏西陲四百年空餘戎馬莫爭先桃林少習他家有柙虎深山

洞口填 十九

桃林即函關屬晉少習即武關屬楚

楚先北向後東圖申呂隨唐實首塗漢水諸姬吞滅盡徵諸傳記

半模糊 二十

春秋大事表

口號 列國地形

四 陝西求友齋

今人多以九縣為漢陽諸姬高江村曰漢陽謂在漢北夷考姬姓國之近楚者曰隨曰息曰麥曰穀隨終春秋不滅殺在漢南息麥在淮壖又非漢北蓋楚所吞滅之姬姓甚多皆不見于經也

楚勢鴟張自滅庸連秦掎角道巴賁戎車更繞周疆後邠鄒初通

漢水烽 二十一

文十六年楚人秦人巴人滅庸杜柱庸上庸縣故城在今湖廣鄖陽府竹山縣東四十里先儒謂秦楚相連其所以得伐庸者由巴蜀以通道楚至是蓋西連巴秦繞出周晉之後列國諸侯在其掌握自是楚益強宣三年遂問鼎于維也矣

邠水從稱古汴梁袁曹官渡戰爭場渡河爭掬舟中指原武河邊

祀告長 二十二

晉楚戰于邠邠城在開封府鄭州東六里邠水一名汴水楚漢時謂之鴻溝三國時謂之官渡又原武縣西北大河即晉師敗而濟河楚莊王祀河告成處

疇昔驅車覽宋椒荒原千里集寒鵬應懲洛邑遺頑畔平地封藩

四望遙 二十三



宋都爲今河南歸德府商邱縣土高而四墜者爲椒城西南有商邱周三百步世稱闕臺余十年前曾過此

往來頻過魯遺墟南自魚臺北汶餘漫說海邦魯所居詩人頌禱

向從虛 二十四

余往來 京師水陸皆由魯境隱五年公矢魚子棠爲今兗州府魚臺縣又汶上縣爲齊南魯北境上魯境東西長而南北狹其後侵魯邾莒杞小國故其地多時零不正員朱子謂襄慶東平府沂密海等州即其地皇輿表以爲山東登州府之密海州非也魯地未嘗涉登萊之境且既以爲江南之海州不得復兩屬

鄭界中州四戰區惟強是擇最良圖高家賴子同斯術得免兵戈

保一隅 二十五

五代十國中平高氏國小民貧地當四戰奉事中原又稱臣吳蜀閩漢當時目爲高稔子然用是五十年無天兵革民以少安蓋用鄭轅性玉帛待于竟上之計

杞遷東國是何時宋得雍工事可疑二恪舊封疆互易春秋失載

更誰知 二十六

杞始封雍邱爲今河南開封府之杞縣入春秋未幾即遷東國東國即濬于爲濬于公放地在今山東青州府安邱縣東北而雍工爲宋有濬于去雍工絕遠不知杞以何年并濬于之地又

春秋大事表

口號 列國地形

五 陝西求友齋

不知宋以何道取雍工此等俱不見于經傳

棄陳何事等珠厓召楚初由陳計乖齊楚會盟陳列首卒夷九縣

聽差排 二十七

晉悼公時陳事晉范宣子曰陳近楚棄陳而後可傳十九年宋襄公伯陳穆公諗修好于諸侯以無忘齊桓之德于是會陳人蔡人鄭人盟于齊陳蔡列楚上此爲楚與中國會盟之始

蔡先服楚亂中華入郢鞭尸蔡始芽厥後零丁無倚泊州來遷國

入吳沙 二十八

定四年蔡以吳人伐楚入郢楚復國哀元年楚國蔡蔡請遷于吳二年冬吳遷蔡于州來由是壽州更爲下蔡蔡之服楚最蚤其得楚之禍亦最酷自莊十年戲舞殺執蔡遂甘心從楚齊桓之與僅一從北杏之會後以入國加師國潰而不能幸其從楚之志也逮晉文大創楚蔡始罷楚無役不從卒至昭十一年楚殺放用世子有遂從而滅蔡矣平王封蔡蔡猶忘讎爭楚雖東國再逐而不悔至昭侯復累世之怨用吳破楚入郢鞭尸蔡爲禍胎楚復而蔡禍未已哀元年楚復圍蔡而蔡遂入吳遷于州來蔡一微國而有闕于夷夏之世變如此

楚武經營首事隨藩臣役楚不嫌卑若從盟會江黃比盃見南遷



隨國在今湖廣德安府隨州近河南界自僖二十年楚子伐隨取成而還自後為楚私屬不與諸侯盟會定四年吳入郢楚昭王奔隨隨人免之楚以此德隨哀元年復列于諸侯終春秋世滅

滕薛邾郟併一方截長補短亦何當况從里計周量小百里會無

七十強 三十

四國俱在今兗州府滕縣孟子曰今滕絕長補短將五十里也五十只當今二十七里有奇蓋里從丈尺起周尺短當今五寸五分弱也

濡上南通易水寒悲歌慷慨號無端黃金不愛求死士前有燕昭

後子丹 三十一

昭七年齊燕盟于濡上杜註濡水出高陽縣東北至河間鄴縣入易水黃金臺在易水東南十八里濡上蓋在今直隸安州任邱之間

梅李遺墟泰伯城于今脆弱可憐生闔閭以上俱都此破楚爭齊

蓋世橫 三十二

春秋大事表

口號 列國地形

六

陝西求友齋

今江南常州府無錫縣東三十里有泰伯城地名梅李鄉自闔閭以上二十一世俱都此

鐵甕城邊江水潺朱方當日舊江山楚師何道能深入邀擊應無

匹馬還 三十三

昭四年楚靈王使屈申圍朱方克之顏師古曰漢丹徒縣吳朱方也今為江南鎮江府附郭孫權于此築城號鐵甕

歷盡閩疆又浙東俗能堅忍號雄風范蠡深識能因地嘗膽君臣

啟霸功 三十四

舊以浙江以東皆越境余甲辰遊閩丙午丁未遊浙東徧歷越地

越封西竟盡餘汗衢信遙連姑蔑寬于越渡頭流水在淮南獻議

炳如丹 三十五

江西饒州府餘干縣為越之西界寰宇記縣西南有于越渡漢淮南王安獻議曰越人欲為髮必先由餘干界中蓋今餘干縣以東連廣信一府皆漢餘干地國語止稱越地西至于姑蔑姑蔑為今浙江衢州府龍游縣由衢至饒中尚隔廣信府饒為越楚分界廣信之北陽貴溪二縣本餘干縣地也餘干即于越為越之餘國語所稱殊未盡



夏日憑高江上師吳兵仰瞰自難支其如陸騎臨江岸淮石啣枚  
席捲馳 三十六

昭四年楚沈尹戌奔命于夏洧杜註今夏口也吳兵在東北楚盛兵在東南以絕其後按夏口  
在今湖廣武昌府江夏縣拒江上流吳人仰攻勢不便故出兵多就淮右北道楚亦從北道  
應之至是出夏洧欲順流東向以制吳十七年長岸之戰以得上流而勝至  
柏舉之役吳舍舟淮洧自豫章與楚夾漢則從陸路臨江岸失水戰之勢矣

大別鋒交吳卻東還師就近易收功不期夫概先殊死三戰長驅  
入郢中 三十七

定四年子常濟漢而陳自小別至于大別庚午陳于柏舉小別在漢川大別在漢陽柏舉在麻  
城宜漢川至麻城吳師東退三百里蓋因懸師深入敵阻戰且卻引楚至近以爲全師返國之  
計耳孔穎達謂自東而漸  
西者誤詳見柏舉之戰論

楚王掃境與吳爭紀郢空存百雉城不固國都圖保聚倉皇燧象  
御吳兵 三十八

子常濟漢擊吳蓋在漢陽府漢川縣戰于柏舉在黃州府麻城縣去郢都江陵尚遠是時昭王  
不宜親在行間當其戰敗急宜還守國都固其根本猶可背城借一乃遽取李半昇我以出涉  
春秋大事表 口號 列國地形 七 陝西求友齋

城口邀歸用計精不行旋致楚師崩闔豈是狂愚者倘肯從前  
冒進兵 三十九

城口乃漢東三監道之總名即大隧直轅冥阨也在河南汝寧府信陽州東南與湖廣德安府  
應山縣接界乃吳師北來之路是時吳方與楚夾漢屯駐漢口在武昌漢陽之間深入楚內地  
司馬皮欲毀舟淮洧塞其歸路前後夾擊乃漢李左車塞井陘之計世謂子常  
不從其策以致敗余謂闔閭子胥精于用兵必然有備卽從其策未必能勝

蔡居淮汝水中間逼近能爲楚國患淮北漢川幾千里全憑嚮導  
透重關 四十

尙書左傳蔡封淮汝之間在今河南汝寧府上蔡縣與信陽州義陽三關接壤當日舍舟淮洧  
在今江南壽州中間經大隧直轅冥阨至漢陽府漢川縣陸路凡一千一百里若無蔡人爲之  
嚮導吳必不敢踰險深入杜預云吳乘舟從淮來過蔡而舍之蓋蔡近淮洧吳師至蔡境蔡更  
道吳從陸路來徑越信陽三關之險乃吳以前用兵所未嘗歷者經于定四年書蔡侯以吳子  
杜云吳從蔡計謀故經書以以者言能左右之也故  
讀春秋必深曉地理方知聖人經文皆是據實書

吳人伐楚取郢陽路出嚴徵道里長此事已當入郢後從前何路



到南昌 四十二

鄱陽縣爲今江西饒州府治在鄱陽湖之東湖互饒州南康九江南昌四府南昌在湖之西定六年吳始伐楚取番番鄱陽春秋時鄱地極大不止今一縣當爲今饒州南康略盡彭蠡之境九江德化縣已當彭蠡之尾而定四年入鄆傳云自豫章與楚交漢又以前屢言豫章吳豈能越饒南九三府而先有南昌之地乎知春秋之豫章非今日之南昌決矣

錢塘帶水分吳越語出唐賢殆未然笠澤戰爭鋒不解鴻溝只在

五湖邊 四十二

唐人詩云到江吳地盡隔岸越山多以錢塘江之東爲越地者然則今嘉湖杭三府吳兵當有守禦安得越一出兵即入太湖與吳爲夫椒笠澤之戰耶况越北境之禦兒已爲嘉興府之石門縣越敗吳于檇李檇李城在今嘉興縣南四十五里則此語之不足信明矣  
國語曰與我爭三江五湖之利者非吳也耶五湖即太湖詳見吳越分界論

夫椒敗越係包山森森湖光煙水閒逐北直過茗雲界會稽山接

伍胥灣 四十二

袁元年吳敗越于夫椒杜註吳縣太湖中椒山通輿包山一名夫椒山即西洞庭山也在蘇州府西南八十五里越一敗即保棧于會稽吳王追而圍之蘇州去會稽五百里追奔直至此可見今日湖杭二府春秋時係顯航爲兩國莫居之地

春秋大事表

口號 列國地形

八 陝西求友齋

楚越交通計不疎倚吳結越在鄆餘若非左蠡親經歷三國分疆

總督卿 四十四

昭二十四年楚子爲舟師以略吳疆越大夫胥犴勞王子豫章之酒歸王乘舟且帥師從王據此則豫章爲水濱案地圖饒州府之鄆陽縣爲楚會干縣爲越豫章之酒即今鄆陽湖連亘二縣之境歸王乘舟當在此吳楚越三國之分界也余親越鄆陽湖方深曉其地理蓋杭州以西爲吳地而杭州而嚴州而徽州而饒州之鄆陽縣濱湖則闔閩十一年伐楚取番之路也衢州之龍游縣爲越姑蔑由衢州而廣信而饒州至餘干縣亦濱湖則越大夫帥師從王歸王乘舟之路也哀十九年越侵吳以誤楚楚追之至莫不及乃還當亦近餘干之境從前論地理者未及此

會計山頭苦聚兵風高獵獵越王城滅吳固守江淮險七國爭雄

比大鱗 四十五

太史公曰會稽者會計也禹會諸侯于江南計功而崩因葬焉在今浙江紹興府山陰縣東南十二里有無餘故城號越王城句踐所都又越吳吳而不能正江淮以北今日揚州淮安之地盡棄與楚所以五世至無纒爲楚所并

自第五首至四十五共四十一首論春秋列國疆域



闕塞屯師備子朝轅轅捷出徑岵曉漢家入設關都尉弭亂黃巾  
並建標 四十六

昭二十六年子朝之亂晉使女寬守關塞杜註伊闕口也在今河南府洛陽縣城南三十里襄  
二十一年晉欒盈過周王使候出諸轅轅孔穎達曰轅轅山在緱氏縣東南四十里連枝羣縣  
界漢靈帝時並為河南八關之一張衡賦  
曰廻行道于伊闕邪徑捷于轅轅是也

周齊苦戰北邙餘鄭魏羣雄角鬪初本自成周襟帶地洛陽遙挹

孟津裾 四十七

昭二十二年王田于北山杜註北邙也在河南府洛陽縣城北十里連偃師孟津羣三縣連  
五百里魏文帝欲平北邙山令登臺便見孟津以辛毘諫而止周宇文泰攻河橋據北邙為  
陳魏公李密攻鄭鄭王王世充自引精兵出  
偃師據北邙以待之蓋自古為洛陽形勝地

河陽自古孟津區晉造河橋天際紆南北三城列節度臨淮百戰

固西都 四十八

河陽即古孟津在今懷慶府孟縣西南三十里晉泰始十年杜預以孟津渡險始建河橋河橋  
自此始魏孝文帝太和十三年作橋于河北側岸謂之北中城東魏元象元年更築東城及中  
春秋大事表 口號 列國地形 九 陝西求友齋

渾城所謂河陽三城者是也唐設三城節度使為重鎮史思明之叛李光弼棄洛陽守河陽賊  
卒不敢西渡關輔得無恙北城在孟縣南城在今河南府孟津縣中隔一河相去四十里中渾  
城即今河中之郭家灘宋  
政和以後廢今皆無故跡

一丸泥固壯秦壙誰料喻函是晉封蚤定霸圖由號略河山兩戒

此當衝 四十九

文十三年晉使詹嘉處瑕以守桃林之塞桃林即秦函谷關在今河南陝州靈寶縣故號地晉  
獻公滅虢喻函為晉有故得以制秦秦得喻函而六國之亡始兆矣自秦孝公始置關以前則  
但謂之  
桃林

武關一掌閑秦中襄鄖江淮路不通少習虛聲能懾晉卻憐拱手

送商公 五十

哀四年傳將通于少習以聽命杜註商縣武關也在今陝西商州東楚通上雒宛道今自河南  
之南陽湖廣之襄鄖入長安者必道武關後入于秦秦以封衛鞅為商於邑自河南鄧州內鄉  
縣至陝西商州凡六百里皆古商於地武關在其內自後秦屢出兵武關攻楚成建恆之勢矣

太行詰屈阪羊腸少水封尸事更狂不是危疑等風鶴當令單騎



縛齊光 五十一

齊莊公伐晉取朝歌為二隊入孟門登太行張武軍于熒庭封少水乃還秦太行陘在懷慶府城北所謂羊腸阪也少水即澗水在絳縣逼近晉都是時晉方懼欒盈為內應故按兵不動徐侯其退而使趙勝帥偏師追之不然豈止如殺之獲三帥已乎

秦人滅都志南圖楚卻移都好避吳白起功成置南郡百年未竟

舊遺模 五十二

僖二十五年秦人晉人伐都又五年秦人入都蓋欲圖南出武關然終不能有其地至定公六年楚避吳之侵北去徙都郢謂之郢郢頃襄王二十一年秦白起拔郢置南郡楚東北保陳城明年又遷壽春蓋白起所拔之郢即僖二十五年秦移公所圖之都也至拔郢之歲統計凡三百五十六年

韓原戰勝賦河東不久歸還晉向雄魏獻西河十五縣空教吳起

泣成功 五十三

僖十五年秦晉戰韓獲晉侯秦始征晉河東河東即河外列城五晉人背約不與者僖十七年秦質晉太子圍仍歸晉河東蓋今陝西同州府及華州之境在傳所謂魏略華陰也少梁北徵彭衙列首之戰皆在此地三家分晉地人魏秦惠王六年魏始納陰晉八年納河西地十年納上郡十五縣由是河西盡入于秦吳起去西河而泣曰使畢我能秦必可亡西河可以王自僖

春秋大事表

口號 列國地形

十五年至戰國秦惠王十一年統計凡三百十六年

陝西求友齋

大峴關山古穆陵齊南天險實堪憑戰爭不見春秋傳強晉東來

道不登 五十四

信四年傳齊地南至于穆陵穆陵關在山東青州府臨朐縣東南一百五里劉裕伐慕容超兵過大峴喜形于色即此青州與魯莒杞三國交界

平陰廣里肇長城魯衛東貽孰孰爭晉水波高北風競空聞殺馬

格追兵 五十五

襄十八年諸侯同圍齊齊侯禦諸平陰墊防門而守之廣里今山東泰安府平陰縣東北三十里有古平陰城防門去平陰二里即齊築長城之始又格馬山在濟南府長清縣東南六十里即夙沙衛殺馬塞遺處

虎牢天下據中樞南北東西孰敢逾服鄭制荆成晉悼韓侯從此

啟雄圖 五十六

虎牢城在今河南開封府汜水縣西二里初屬鄭後屬晉襄十年諸侯之師成鄭虎牢即此後三家分晉收規謂韓襄子曰必得石溜之地即虎牢也後韓哀侯卒以此滅鄭



夾寨沿河梁晉爭契丹南渡亟親征澶淵自古襟喉地林父居麋  
盜弄兵 五十七

襄二十年盟于澶淵杜註衛地近戚田古澶淵在今直隸大名府開州之西北往時大河經流  
于此梁晉爭時晉王存最于此築夾寨城時河流闊遠兩城相距三十里故有南植北澶之目  
宋景德初寇準勸帝親征駕至南城準固請渡河御北城門樓士氣百倍即夾寨之兩城也戚  
子衛孫林父色在開州北七里衛獻公使大師歌巧言之卒章喻文子居河上而為亂于是文  
叛

馬陵狹道可藏兵此地春秋會盟萬弩深林夾道伏終教豎子  
遂成名 五十八

成七年同盟于馬陵杜註衛地近陽平元城縣東南今直隸大名府治東南十五里有馬  
陵道即孫臏伏弩射殺龐涓處考史記世家此時魏尚都安邑乃齊入魏莫必由之道也

彭城南北往來衝吳晉通聯遏楚鋒猶有偏陽口中蝨不由王命  
晉家封 五十九

春秋時彭城為宋有今江南徐州府治銅山縣也偏陽在沛縣輿山  
東兗州府嶧縣按界襄十年晉滅偃陽以與宋欲通吳晉往來之道

春秋大事表

口號 列國地形

十一

陝西求友齋

汝寧府治古懸瓠南北兵爭最要區此地春秋沈子國平輿屬楚

蔡先驅 六十

今河南汝寧府治有平輿故城在汝水南岸春秋時故沈子國定四年晉人使蔡滅沈後  
屬楚為平輿邑晉杜預時猶仍平輿之名亦謂之懸瓠城南北朝用兵懸瓠為必爭之地

楚陵中夏恃方城百萬雄師莫敢攖連互直包申國地戍申不用

怨周平 六十一

方城山名在今河南南陽府裕州東北楚人因山為固築連城東向以拒中國起葉縣至唐縣  
連接數百里包絡故申國之地倍二十五年楚子入居于申杜註申在方城內故曰入是也楚  
宮方城申在莊十八年至僂四年屈完對齊桓公即云楚國方城以為城蓋楚一得申地則經  
女王城楚之強橫莫制實始於城申也平王東遷申已被楚侵略伐故平王戌之詩人輿刺至入  
春秋城申之歲已近百年矣楚之觀釁申  
闕非一日則申之係周利害豈淺鮮哉

楚扼長江最上流吳兵更擾東北陬防准全恃州來險一失離離

到郢州 六十二

州來楚邑為今江南鳳陽府壽州阻淮為固吳畏楚上流出兵多從淮右北道壽州是其要害  
昭二十三年鍾父之戰楚師大奔州來遂失自是入郢之禍兆矣鍾父在今壽州西南六十里



鍾離天險號難降梁魏兵爭劒戟撞起自春秋吳楚世巍然百雉  
奠南邦 六十三

昭四年楚城鍾離州宋居巢以備吳鍾離為今江南鳳陽府鳳陽縣控扼淮水南北朝特為重  
鎮梁天監五年魏將元英圍鍾離邢辯謂鍾離天險必無克狀魏主不聽梁遣曹景宗章獻督  
軍二十萬赴  
救魏人敗走

上庸蜀魏互相攻孟達申耽反覆踪白馬金城空歎息楚莊圖霸

首侵庸 六十四

庸國在湖廣鄖陽府竹山縣東四十里秦置上庸縣建安十四年先主遣劉封孟達攻上庸上  
庸太守申耽降後孟達復以城降魏其城號白馬塞孟達登之而歎曰劉封申耽據金城而更  
失之春秋文十六年楚使盧戡擊後  
庸遂滅庸蓋莊王圖伯之始事也

白水真人氣鬱蔥春陵帝里舊唐風晉陽本自伊耆後肅爽成仇

郢市空 六十五

唐本號後夏殷從封晉陽周成王徙之于許郢之間而以其地封叔廣春秋唐惠侯是其後定  
三年唐成公如楚有兩肅爽馬子常欲之弗與止之由此遂結仇明年道吳人伐楚入郢又明

春秋大事表

口號列國地形

十一 陝西求友齋

平為楚所滅漢元帝時以秦陽之白水鄉徙春陵戴侯仁為春陵侯屬南陽郡蘇伯阿  
過之曰氣佳哉鬱蔥蔥然即此今為唐城鎮在湖廣德安府隨州西北八十五里

楚雖三戶足亡秦項氏兵來三戶津夷考當年渡河處春秋晉地

果誰真 六十六

哀四年晉人執戎蠻子以界楚師于三戶史記楚南公曰楚雖三戶亡秦必楚後項羽果使蒲  
將軍日夜引兵渡三戶破章邯諒者以為亡秦之讒今考三戶津服虔曰澗水津名也在彭德  
府治臨漳縣西三十里春秋時為晉地楚之三戶在今南陽府內鄉  
縣西南內鄉距離臨漳縣道一千三百里地名偶同不可以此混彼也

楚地蔓延多險阻六十萬眾始能平深山大澤多英物劉項還從

楚地生 六十七

秦王翦滅楚用六十萬人後項羽宿遷人輿  
高帝沛縣人俱屬今徐州府當日係楚地

自四十六至六十七共二十二首論列國險要

官山府海致齊強旋入陳家為國殃與霸即成竊國討國之重寶

慎收藏 六十八



曲沃初由支子與驪姬奪嫡更堪懲從今無畜羣公子本削終教  
異姓乘 六十九

宣二年傳初驪姬之亂晉諷無畜羣公子正義曰服虔以驪姬與獻公爲此詛非也乃文公懲驪姬之禍而設此詛爾考文公諸子雍在秦樂在陳黑臀及襄公之孫談在周無在本國爲卿大夫者知是文公本意非鍾離姬誓法蓋猶狂逸正自是權移六卿矣

公族旄車加趙氏宗藩大柄世卿操揚干及懲無逼顯盟會從來  
不執羔 七十

晉成公卽位宦卿之適子以爲公族使教公之子弟于是趙括爲公族大夫趙盾爲旄車之族晉之公族無通顯者見傳惟悼公之弟揚干悼公之子愆二年終春秋之世晉公子未嘗見經定八年公會晉師于瓦范獻子執羔周禮大宗伯卿執羔

七穆三桓張魯鄭晉無公子執朝權從教廢食還懲噎莽懿千秋  
好作緣 七十一

春秋時會盟征伐列國諸公子見于經者甚衆魯鄭則非公子不行惟晉絕無此春秋變局也齊則崔慶樂高遲執國柄亦稱公族迫自相吞滅而陳氏興矣

春秋大事表 口號 列國地形 十三 夷西求友齋

楚之立國最堪師委任宗支更不疑命將尤能嚴賞罰喪師辱國  
莫逃誅 七十二

楚之令尹執政俱用公子爲之不參用異姓然每有敗績輒必誅不赦城濮之敗誅子玉鄢陵之敗誅子反陳之叛誅子辛惟柏舉之戰囊瓦以逃鄭免所以權不下移累世疆盛晉當典午會南渡楚際春秋向北遷南畏吳侵徙郢都西憂秦逼

就淮川 七十三 卒通逃 七十四

楚郢都爲今荊州府治江陵縣定六年徙郢于都爲襄陽府宜城縣戰國時白起拔郢遷郢陳爲今河南陳州府又遷壽春仍謂之郢今江南壽州是由南而向北也

仲尼沐浴討陳恆全魯加齊力尙勝決勝審知彼已策伊川持論  
太無德 七十五



折見哀十四年獲麟之後孔子勝齊確有成算非以空言作一好題目告君者左氏  
載孔子之言甚明伊川謂勝齊爲孔子之末務是不免以人國爲僥倖也竊恐未然

### 自六十八至七十五共八首論列國廢興大要

莒國初封舊介根葛盧朝魯事難論于今高密膠州地曾有夷人

### 解獸言 七十六

杜註介東夷國在城陽黔陬縣今萊州府高密縣西有黔陬城膠州南七十里有介亭  
蓋高密與膠州連壤也又高密縣東南四十里有計斤城春秋謂之介根舊始封邑

長狄三人九畝身弟兄都歷百年春不知何地堪君長絕種離奇

### 恐未真 七十七

公辛傳第云兄弟三人一之齊一之晉一之魯不詳其立國何地杜預云鄭賈防風氏之  
後漆姓至國語以長狄即古汪芒氏守封隅之山韋昭註云山在吳郡永安縣尤誕妄

驪戎舊在陝臨潼納女驪姬國祚空積怒山川能作崇晉疆蚤徹

### 漢新豐 七十八

驪戎國名杜註在京兆新豐縣新豐漢高帝置今爲陝西西安府臨潼縣秦國語晉獻公伐驪  
戎克之滅驪子獲驪姬以歸立以爲夫人史蘇曰君滅其父而畜其子禍之基也是爲女戎三

### 春秋大事表

#### 口號 列國地形

山西求友齋

代皆然魏冰叔曰後世滅國其所滅之國山川之志必積其怨怒篤生殊尤入後宮  
爲患害用以傾覆宗祀如驪姬及隋宣華夫人是也據此則晉地早已踰河而西矣

小戎陸渾本燉煌重耳姬甥後嗣昌允姓姬宗支派別史遷女弟

### 說荒唐 七十九

晉獻公娶二女于戎大戎子狐姬生重耳小戎子生夷吾杜註大戎唐叔子孫別在戎狄者小  
戎允姓之戎孔疏狐氏出自唐叔之後狐伯行之子實生重耳狐偃其舅在今陝西延安府境  
小戎瓜州之允姓戎爲今燉煌後遷中國爲陸渾在今河南嵩縣瓜州在今陝西肅州衛西節  
爲桓伯所謂惠公歸自秦而誘以來者蓋爲惠公母家故挾以信來也二公子母姓各別史記  
晉世家謂夷吾母重耳  
母女弟也可發一笑

肥鼓俱遭晉剗除鮮虞尺土幾紛拏中山立國開王號界在燕齊

### 抵霸餘 八十

鮮虞一名中山與肥鼓俱白狄別種春秋季年晉竭力攻鮮虞終不能滅至  
戰國時晉號稱中山王與趙魏並今直隸正定府治西北四十里有鮮虞亭

### 自七十六至八十共五首論春秋四裔

山川阻奧隔舟車戎裔中華錯雜居晉楚并吞俱失記周初列國



萬千餘 八十一

周時蠻夷戎狄錯處中夏大抵近山者為戎近水者為夷廣莫之地為狄如淮夷徐戎赤狄白狄之類先王弭設方伯連帥以統屬之未嘗不欲驅逐窮除而後已也蠻夷以姓名自適于天子者雖大皆曰子如今湖南兩廣蠻峒之地動輒數百里春秋時北方亦多有之晉所滅留吁甲氏陸渾楚所滅戎蠻子特以其來告而後書耳又凡諸侯弑國不赴告則不書則知周初執玉帛者蓋萬國也

周當八百會同初推戴功高難剗除封建屏藩先懿戚半仍舊地  
奉車書 八十二

周初封國同姓五十餘人而中國空地殊少如滅奄以封伯禽滅三監以封康叔滅唐以封叔虞其餘非有罪不遽除也封召公于燕封太公于營丘周初已屬荒遠之地此外如薛如呂如徐如巢如越如庸蜀盧濮雋祝剗遂以及羣舒二麥為卑陶偃姓之後俱係夏殷舊封先王因而不改

蕭叔酬功宋附庸夔因廢疾就他封東遷亦有分茅典不係初年  
大小共 八十三

宋蕭叔大心立桓公有功未封之以為附庸又僖二十六年楚人滅夔杜註夔楚同姓國鄭語孔晁注云熊釋元孫曰熊舉楚人廢之熊擊自棄于夔子孫有功王命為夔子以及邠象來進魯為子王命曲沃為晉侯皆係東遷後封典蕭為今江南徐州府蕭縣夔即歸今湖廣歸州治東二十里有夔子城

春秋大事表 口號 列國地形 十五 陝西求友齋  
自八十一至八十三共三首論封建源流

蒼莽河從西北來黎陽白馬望中開流經鄭衛迤齊北無棣溝通  
海曲隈 八十四

禹貢導河積石至東過洛洶洶為河南府鞏縣以上黃河俱束于山峽之間千年不易至于大伾大伾山在今濟縣即古黎陽為河之北岸其南岸為白馬即今之滑縣大河經流其中乃古河道自東折向北處今則南徙三百里在開封府城北十里矣河道遷易自大伾始春秋時白馬為衛楚文公遷自南河齊侵曹伐衛處也又東北為開州即衛之漣淵又東北為瑕縣即衛之南河晉文公遷自南河齊伐曹伐衛處也又自東而北則為齊之無棣無棣即九河入海處今山東武定府海豐縣有無棣溝合屬津河東入海屬津乃九河最東第九河也

周定五年河始徙春秋年數恰中央大伾右轉流從北卻繞山南  
迤邐長 八十五

周定王五年河徙自宿胥口東行保川是年係已未為魯宣公之七年自隱公元年已未至此恰一百二十一年矣禹河則繞濟縣之西而北流河徙後則繞濟縣之南經大伾山之足折而東流禹貢所謂北過滹水至于大陸此時已無之矣自是河流漸滑之間二千年前首所謂黎陽白馬望中開也蓋此時已與禹迹微分同一大伾而一經其西一繞其南正對白馬南岸紇



後河屢決而南河流更在滑縣之南三百里為開封府城北十里而至于大伾之迹亦不可復  
明為今日之河道矣前首所云乃春秋宣公七年以後之河道也宣公六年河未徙以前河離  
滑縣開州尚遠  
詳見河圖說

王莽旱時清濟絕餘流今作小清河發源約突溫泉水迤邐青齊

入海渡 八十六

桓十八年公會齊侯于濰濰即今之小清河其源約突泉在濟南府治歷城縣西南濟水伏  
流重發處也流經章工鄒平長山新城高苑博興樂安七縣以入于海蜿蜒六百餘里故道窺  
涇而水積決為諸邑患民多曲防盜決 本朝康熙某年張鵬撫山東斥豪強之占河身為田  
者疏請漸復建石閘以備旱潦蓄洩遂為永利此濰水之見于今日者也詳見徐東海澤圖集  
約突泉冬温故又謂之  
溫泉北注則謂之濰

大江無恙截南區眾澤分流勢轉紆彭蠡九江和震澤宛如傳舍

列通衢 八十七

江河俱橫截中夏乃河屢易而江如故者固象河性湍急亦由河處北方為百川之委無諸澤  
為之蓄蓄如羸養昭餘邪及孟諸諸數俱乾涸夏秋霖雨歸併一河故屢決而遷江則有洞庭  
鄱陽俱數十里列峙東西如人狂奔得憇息之處自然不至顛覆屢  
亦地勢然也春秋時諸澤尚未乾涸故河至西漢始決溢其理可想見

春秋大事表

口號 列國地形

六 陝西求友齋

淮濱于今未失常黃流吞噬軼分疆刷黃仍藉清淮力持正還能

力砥狂 八十八

淮水發源河南南陽府桐柏縣至江南淮安府安東縣入海至今仍由禹貢放道因河屢南徙  
至元之季元徑從淮安府清河縣之溝口與淮合兩漕併而為一自有明濶季馴治河專恃固  
隄東淮清水刷黃泥沙使過流入海故淮盛則可  
敵黃淮弱則黃淤塞而決潰是淮之為功大矣

三折如巴江水源建瓴千里迅如奔益州已吸金陵勢吳楚平分

天塹門 八十九

春秋時大江經流巴楚吳三國後  
世晉隋取金陵皆用益州樓船

鉅野澤承河濟委河遷濟絕涸成阿猶餘南旺湖中水南北分流

濟運河 九十

袁十四年西狩于大野大野一名鉅野在今山東曹州府鉅野縣東五里濟水之所絕也屢經  
河壘自漢以來衝決填淤凡四五度元至正四年河又決入此處及河南徙濶貫于平陸今為  
鉅野及嘉祥二縣地王氏樵曰南旺湖在汶上縣西南榮運百五十餘里漕河貫其中有東  
湖西湖東湖北接馬踏伍莊坡以及安山諸湖南接蜀山馬場坡以及昭陽諸湖即古之大野



澤也今有分水龍王廟二  
分北流七分南流以濟運

海口微高瀦太湖鄱陽北阻大江紆自餘十數皆乾澗雲夢圃田

今已無 九十一

夏氏允彝曰震澤入海之地充若仰盂水反流而趨內內溢而外壑故激蕩靡齒朱子謂彭蠡在大江之南地形北高而南下其北流入江處反為江水所遏因卻而自瀦故二澤至今不改其餘鉅野雲夢皆阻為縣圃田孟諸亦幾成平陸矣詳見春秋時數澤論

元建燕都行海運雲帆轉稻自唐先那知吳霸爭齊日已辦舟師

入海船 九十二

哀十年吳徐承帥舟師自海入齊此為海道之始詳見春秋時海道論

連屬江淮沂濟波積成今日轉漕河夫差爭長黃池歲卻已功成

半又過 九十三

哀九年吳城邪溝邇江淮杜柱通糧道也今廣陵邗江是又哀十三年會于黃池杜柱註在封邱縣南近溝水國語夫差起師北征闕為深溝于商魯之間北屬之沂西屬之濟以會晉公于于

春秋大事表

口號 列國地形

七一 陝西求友齋

黃池案邪溝今日漕河亦曰官河起于揚州府城東南二里歷邵伯高郵寶應諸湖北至黃浦接淮界其合淮處曰末口在淮安府北五里自江達淮南北共長三百餘里又十三年既溝通江淮遂師舟師自淮入泗自泗入沂復穿魯宋之境連屬水道有不通者鑿而通之以達于封邱之淮即杜氏所云近濟水也蓋吳人溝通之路由今考城邊杞縣北境歷蘭陽而至于封邱今日漕河由淮而北連合沂泗汶洸及山東諸泉以濟運都飯其遺法漕河沿革攻曰漕河之北段即元人之會通河其南段春秋吳子所開之洧溝也北段萌莠于元南段兆始于吳至明而大備總為我朝萬世之利

南海春秋尙未知屈完之對屬誇辭濱東齊地連吳越三國時動

海道師 九十四

哀十年吳徐承帥舟師自海道入齊十三年吳為黃池之會越范蠡舌庸帥師治海沂淮以經吳路俱用海師以三國俱邊東海故也春秋時中國尚無閩廣故未知有南海屈完之對及鄭伯行成楚子云仔諸江南以實海濱皆虛言耳

自八十四至九十四共十一首論川瀆改易及今日漕運海

道來由

亞父封條漢廣川晉初疆域太相懸鳴條近在今安邑通雅諸書



竟失傳 九十五

桓二年晉穆侯以條之役生太子杜註但云晉地通雅云河間府景州有古條漢周亞父封條侯即晉條地近 皇輿表祖之案穆侯當周厲宣之時晉地安得至此今山西解州安邑縣北三十里有鳴條岡括地志云岡北與夏縣接界即舜所葬孟子曰舜卒于鳴條向書大傳湯伐桀戰于鳴條即此以此為晉條邑庶幾近之

亦未然 九十六

今日中牟鄭圃田佛胎畔處迹終湮征南不解知何地漫說湯陰  
今河南開封府之中牟縣在大河之南係鄭地王漢初始置中牟縣春秋時未有中牟之名也春秋晉之中牟杜註第云當在河北不詳何地據各處傳文及國語約當在今直隸順德府邢臺邯鄲之間今日第當傳疑雖以近日閩百詩之精于地里亦云無可考而史記張守節正義以湯陰縣有牟山謂中牟當在其側今方輿紀要與高氏地名攷俱從之亦未必然也余脩河南省志曾詳辨此有春秋時中牟論

楚邑丹陽係秭歸女嬃遺蹟是耶非朱方別有丹陽郡班志傳訛

楚封丹陽在今湖廣歸州東南七里熊釋故封也亦曰秭歸袁枚曰屈原有賢姊聞原放逐亦來歸因名秭歸離騷所謂女嬃之嬋媛也班固地理志謂楚始封在丹陽郡丹陽縣大謬丹陽

春秋大事表

口號 列國地形

六

陝西求友齋

郡今為江南鎮江府丹徒縣東晉時為重鎮丹陽尹常以皇子為之

己氏州 九十八

衛邑原來兩楚即開皇並置本春秋班書謬列從成武滑縣漫同  
發粟于兩楚即皆言衛邑而不明其處至隋開皇十六年同時置兩楚即縣一在漢己氏縣以戎伐凡伯之楚即為名己氏春秋時為戎州在今山東曹州府曹縣東南四十里一在漢白馬縣即齊桓公所封者在今河南衛輝府滑縣東六十里截然甚明班固地理志于山陽郡成武縣下注云有楚即辛齊桓公所城遷衛文公于此則以滑縣混同曹縣大謬

宗邦並列兩平陽新泰高平各一方稽古兩援盟越事東南不辨

魯封疆 九十九

魯有兩平陽一為東平陽是魯本有之邑宣八年城平陽是也杜註泰山有平陽縣今山東泰安府新泰縣西有東平陽城晉平陽為平陽人秦立新泰縣今仍之一為南平陽向本剋邑魯取之哀二十七年越使后庸來聘令魯還郟公與之盟于平陽是也杜註云西平陽西字當作南平陽高平南有平陽縣今兗州府鄒縣西三十里有南平陽城後屬齊孟子一戰勝齊遂有南陽即此景范氏于南平陽下俱引左傳盟越后庸事高江村地名攷剛一存一遂以宣八年之平陽下註云秦哀二十七年公及越后庸盟于平陽即此兩地混而為一矣景范江村俱精于地里而不免于此此千慮之一失也



豫章廬院及饒州六見經文迹可求漢代郡名非昔地南昌尚屬

楚江修 一百

春秋時豫章地極廣今江南廬州府之巢縣鳳陽府之壽州安慶府泗州及江西之饒州南康二府盡鄱陽湖之境吳楚越三國接界處當日吳楚交兵豫章凡六見于左傳南昌在鄱陽湖之西吳兵未嘗至南昌也相率之戰舍舟准浦日豫章與楚交漢豫章即指淮浦今日壽州地耳世多以江西之南昌為豫章乃漢分九江置豫章郡南昌是漢豫章郡治耳按之春秋當日之地形殊不合也

鄭重滅許在容城葉地西偏敢撼荆漢縣華容郢都側楚雖新敗

豈能爭 一百一

定四年楚遷許于容城六年春鄭游速帥師滅許杜註因楚敗也此許當為葉縣之許昭九年傳遷方城外于許杜云許遷于葉因謂之許是也鄭至是凡再滅許矣其書許之地在許州已為鄭所奪容城當即在葉縣西蓋葉在楚方城之外故鄭得因楚之敗乘機取之應郢以為即漢之華容葉華容城在今荊州府之監利縣通近鄆都此時昭王新復國鄭師豈能至此祝其城在賴榆西魯國南疆更遠齊盟會須當接界地稱為夾谷屬無稽 一百二

春秋大事表

口號 列國地形

十九 陝西求友齋

祝其漢縣屬東海郡地在今江南海州賴榆縣西五十里管魯之極南定十年公會齊侯于夾谷杜註夾谷即祝其後漢志東海郡祝其縣即古夾谷以道里計之祝其縣舊處海隅去齊魯之郡數百里非會盟之職所宜至且齊強魯弱齊豈能越國而會于其地豈亦無為舉齊而會于其國之極南也高氏地名考以山東濟南府濰州縣西南三十里有夾谷山一名祝其象象又以爲齊魯相會不應去齊若此之近去魯若此之遠而以泰安府萊蕪縣之夾谷峪爲萊兵劫齊侯處近日山東通志以新設青州府之博山縣有地名齊禱鎮爲當日之夾谷爲萊蕪劫齊侯處近之

齊曹各有重印地曹縣東昌邈不同兩國並從元凱註宛溪于此

又滕隴 一百三

襄十七年衛孫劓田于曹隱飲馬于重印毀其瓶重印人閉門而詢之衛侯伐曹取重印杜註曹邑在今曹州府曹縣東北五十里又襄二十五年諸侯同盟于重印杜註齊地在今東昌府東南五十里跨莊平縣界兩國分注甚明景范氏方輿紀要以襄十七年衛所取之重印即注東昌府謂爲曹北竟之邊邑襄二十五年同盟于重印即此混而一之殊誤

自九十五至一百三共九首論從前地里差謬處

近關脫屣等浮雲廢置由來總不聞馮道老奸狙僮衛卷懷高蹈事宜分 一百四



襄十四年衛孫林父將出獻公告違伯玉對曰君制其國誰敢奸之雖奸之庸知愈乎遂行  
近聞出襄二十六年甯喜將弑其君而納獻公復告伯玉伯玉曰緩不得聞君之出敢聞其  
入復從近聞出此左氏之謬也夫伯玉食君之祿而首尾十二年之間此廢而彼入彼入而此  
弑漠然不關其慮若無與已事者此長樂老人之感事五代豈伯玉大賢而出此而子朱子乃  
引爲卷而瀆之之證恐未可訓詳見違伯玉論

一百四一首論左氏差謬

徒父占辭說涉河候車東敗是秦戈征南詮解殊疎謬地里推尋

矛盾多一百五

僖十五年韓之戰卜徒父筮之曰吉涉河三字要連讀是卜徒父口中語猶襄二十八年傅子  
之日克見血左氏每有此支法若黃秦軍涉河則韓原之地當在河以東于陝西韓城縣解不  
去矣候車是秦之游兵如今之探騎候同候古人二字通用保秦車非晉  
車若說晉車敗是秦已得勝穆公安用詰徒父杜解殊謬詳見杜註正謬

焉周喪歸屬晉侯繆公本意不成仇若從杜解支離甚伉儷情深

輟闡謀一百六

秦伯曰獲晉侯以厚歸也既而喪歸焉用之兩歸字俱屬晉侯說下文有必歸晉侯可證女襄  
本易解杜註云若將晉侯入則夫人或自發穆姬在內如何云喪歸且穆公竟成懼內之人真  
春秋大事表  
口號列國地形  
予 陝西求齋

所謂武夫力而拘諸原  
婦人善而免諸國矣

沃盥旋揮系屬連英雄降服豈徒然瀚衣揮水鄰調戲情事相懸

有萬千一百七

僖二十三年傳秦伯納女五人懷贏與焉奉匭沃盥既而揮之案沃盥是執巾櫛之事既而知  
是懷贏係姪嬀欲押令遠去故懷贏怒曰何以卑我降服而囚只是當日畏秦威耳杜註揮盥  
也正義解之曰懷贏奉匭爲公子澆手既而以淫手揮之  
使水瀉汚其衣如此則此時已屬調戲情事正是相反

鳩茲江水屬蕪湖吳地烏程天一隅南北懸殊千里外追奔曷用

過吳都一百八

襄三年楚子重伐吳克鳩茲至于衡山鳩茲爲今江南太平府蕪湖縣杜註衡山在吳興烏程  
縣南今爲浙江湖州府附郭是時吳都尚在無錫烏程更在無錫東南三百里何用追奔至此  
乎疎舛  
甚矣

生而賜族本劉炫穎達譏彈已在先仲氏季孫從後得康侯祖述

亦徒然一百九



僖十六年三月壬申公子季友卒胡傳謂季友仲遂皆生而賜氏俾世其官春秋書此以著壞法亂紀之戒案賜氏之說本出于劉炫正義已駁之日季是其字友是其名如仲遂叔肸皆名字雙舉無以爲氏之理劉炫謂季友仲遂皆生而賜族以規杜過非也仲遂生時止稱東門氏始稱季孫氏其生時之季與仲非氏也胡氏之說誤

劉君規杜未爲眞孔氏依阿是諛臣干慮何妨存一失後人無用

護前人 一百十

劉炫規杜氏之失凡一百五十餘條類達謂其雖規杜氏義實淺近固然然韓之戰劉炫以侯車敗爲秦伯車敗云侯者五等總名國君大號且韓戰之前未有交兵何得言晉侯車有三敗其說甚允而穎達必強申杜氏之說謂秦是伯魯晉實是侯爵既云侯車敗故知是晉侯車敗如此則秦車當云伯車楚車當云子車乎可發一笑也又云三敗是車有敗壞非兵敗強解殊甚凡杜氏之稍有違誤者必曲成其說如此等類不一而足

劉炫矜伐性多爭穎達攻劉義極精獨到征南違反處更無一語爲持平 一百十一

孔氏正義序內謂劉炫意在矜伐性好非毀其攻劉氏規杜如僖三十三年晉人敗狄于箕及襄二十一年傳稱庶其以蔭閭即來奔以公如姑妻之二條仲杜抑劉可謂析人牛毛蕭絲但春秋大事表 口號 列國地形 三 陝西求友齋

其他杜有未安而劉規之爲得者必曲護杜氏其覺無謂且杜最精地理而孔子地理特疎凡涉地理處多置不解如相舉之戰謂吳兵自東而追至西者尤誤

自一百五至一百一十一共七首論杜註孔疏胡傳之失

魏滅西歸絕好音申亡南服啟雄心春秋晉楚平分勢兩國存亡痛鉅深 一百十二

晉滅魏得陝州靈寶桃林之地歸京消息中斷楚城申有宛謝南陽營方城逼近洛邑自是春秋爲晉楚之世矣

此一首總論春秋全局

往日譚經兒戲同聽人傳說任西東而今紙上看形勢歷歷與圖

指掌中 一百十三

補遺

越棄江淮就故封史遷耳食未宜從武城烽火會相接隔遠如何

有戰攻



史記越滅吳而不能正江淮以北故楚得東侵廣地至泗上泗上蓋今揚州及徐泗等地考吳越春秋竹書紀年越絕書俱云越徙都琅琊起觀臺以望東海琅琊爲今山東沂州府其所置日照縣向係海曲疑所謂觀臺卽于此左傳哀二十二年越滅吳二十七年越使后庸來言郢魯之界哀公嘗欲以越伐魯而去季氏越又嘗如越武城嘗有越寇武城在今沂州府費縣若魯江淮則后庸使命之往來公之如越越之寇武城中間俱隔一楚地則知史記之說非也

楚疆不越洞庭湖此外殊方天一隅吳起相荆新闢地春秋原不

隸輿圖

長沙府以南俱爲百蠻地楚莊王時羣蠻從楚子滅庸自後蠻服楚鄧陵之戰蠻從楚擊晉然皆不隸板圖及吳起相悼王南并蠻越遂有洞庭蒼梧斷由湖南以開兩廣矣春秋時並非楚地也

沙鹿于今隸大名經爲天下志山崩祇緣卜偃言亡國適會韓原

與禍并

僖十四年秋八月辛卯沙鹿崩晉卜偃曰期年將有大咎幾亡國僖十五年十一月壬戌秦晉戰于韓原獲晉侯後儒遂謂沙鹿是晉地胡傳云春秋書沙鹿崩于前書獲晉侯于後事應具存此不考地里而曲徇左氏之過也案杜註陽平元城縣東有沙鹿土山在今北直大名府元城縣東四十五里其西有沙鹿城去晉疆絕遠晉當惠公時其地未至于東方也沙鹿卽五鹿

春秋大事表

口號 列國地形

三

陝西求友齋

杜註衛地僖二十三年傳晉公子重耳處狄十二年而行史記年表是年爲僖公十六年卽秦晉戰韓之明年也公子由狄過衛出于五鹿乞食于野人杜註陽平元城縣亦有五鹿近志今大名府有五鹿城二屬元城縣者卽沙鹿城也由晉而狄而衛道極遠遠沙鹿非晉地明甚因左氏好言災異附著晉卜偃之言而韓原之役適與之會後儒不察遂以沙鹿屬之晉而不知此日之晉尙未有沙鹿也僖二十八年文公伐衛取五鹿沙鹿屬晉未幾又屬衛至哀國乎齊衛救趙稷于邯鄲圍五鹿又屬晉蓋當春秋之季晉地直跨至山東界沙鹿始爲晉有不得據其後以櫛夫前也公羊云爲天下紀異此爲得之

江漢初逢大別山楚吳角鬪此中間康成錯解安豐縣顧氏仍譌

未肯剛

再貢漢水過三澗至于大別南入于江春秋定四年吳楚相擊之戰自小別至于大別大別山在真澗漢陽府城東北百步武昌府之西漢水觸山迴南入江處卽今之漢口也康成註馬真謂在今之安豐史記索隱及班固前漢志亦云六安國安豐縣馮貢大別山在西南而方輿紀要亦從之皆悞也安豐之大別另是一山與再貢左傳俱無涉安豐爲今江南壽州大別山在今潁州府壽州縣西南八十里去漢口絕遠孔氏頌遠曰吳既與楚夾漢然後楚乃濟漢而陳自小別至于大別然則二別是近漢之名無緣反在安豐也

春秋列國地形口號

求友齋校勘



